






KODAK Gray Scale

LICENSED PRODUCT



浙江圖書館叢書第二集目錄

穆天子傳地理攷證六卷

附中國人種所從來攷
傳紀日干支表

晉釋法顯佛國記地理攷證一卷

後魏宋雲西域求經記地理攷證一卷

唐釋辨機大唐西域記地理攷證一卷

附錄一卷
總記一卷

唐杜環經行記地理攷證一卷

元耶律楚材西游錄地理攷證一卷

元祕史地理攷證十五卷

附元祕史作者人名攷
成吉思汗編年大事記
元初漠

北大勢論
地理攷
郭侃傳辨

元聖武親征錄地理攷證一卷

元經世大典圖地理攷證三卷

附元史地理志西北地圖錄

元張參議耀卿紀行地理攷證一卷

元長春真人西游記地理攷證一卷

元劉郁西使記地理攷證一卷

地理琛異域錄地理攷證一卷

地理
天子傳地理

浙江圖書館叢書第2集

地理
天子傳地理

攷證

門號
3101
9

中華民國四
年浙江圖書

館校刊

穆天子傳地理攷證

凡例

昭和廿一年
五月三十日
購求

一讀是書當先知中國人種古時由西方遷徙而來故三代以前人多畜懷思故土之思此穆王西征之原因也另有中國人種古畧附後

一讀是書當先知西王母爲西方大國其國上古時名加勒底炎黃時名巴比侖至於商周名亞西里亞中國人種西來之始當在加勒底時代而穆王至彼則亞西里亞時代也

一讀是書當先知西見王母始於黃帝帝堯繼之穆王不過遵循故轍儒生不察駭爲異事固於所見故也

一讀是書當先知穆王西征之道卽今日通行之大路就本書卷四之里數方向按圖以考雖地名不同而大致皆合方信古書所載皆屬實事

一讀是書當知禹貢積石實爲河源所從出非特傳中確有明文徵之他古書亦無一不合後來臆說盡可掃除

一讀是書當知穆王所升之崑崙墟卽今和闐南山攷漢武帝時已詔定于闐山爲崑崙因太史公作爲疑辭後世聚訟紛紜遂無定論今觀此傳證以道里方位崑崙之在于闐毫無疑義自康熙間朝廷信西藏游僧之說指阿里之岡底斯山稱爲崑崙攷據家皆靡然從之不知此無稽之言也爾雅釋地河出崑崙墟後藏之地安得爲河所從出

卽此一語已不可通余別有攷均漢書西域傳中茲不備列

一崑崙春山後人多混爲一惟此傳分析言之蓋崑崙指和闐南山春山則指葱嶺二山雖相連接然崑崙東西行春山南北行形勢不同漢書西域傳但云踰葱嶺不言踰崑崙以葱嶺爲西亞洲之通道崑崙非通道也本書穆王升崑崙邱後必還向北行以登春山而其往西王母邦必截春山以北卽漢書所云南道西踰葱嶺出大月氏安息路也

一是書之註以郭璞爲最古然繼起無人近數十年前始有檀氏萃徐氏文靖陳氏逢衡洪氏頤煊翟氏云升等叠爲

箋校惟自典制禮儀外一及地理便無足取蓋不獨見匱方隅而道里方向及上下文義均不之審但用對音之法曰某地卽今某地某山卽今某山欲其脗合無間得乎一本書卷四里西土之數總計西征往返所行之道里方向以當時之人記當時之事蹟自必確鑿可據況核以今地一一相符不解從前註家何多未見及此

一讀是書須先以祁招之詩所謂形民之力無醉飽之心爲準的方知本傳六卷所載之事字字爲上二語寫影視爲鋪揚鴻烈潤色皇猷淺夫也而卷三又特載赤烏氏君兀憂心吟一首以點畫龍之睛良史苦心三十年後尙能見之但辭語過於隱祕閱者驟難索解致久慨沈蘊耳

一卷五所載以作范宮事爲主要攷穆王元年正月卽作昭宮其冬又作祇宮九年作春宮十五年夏作范宮次年春復作重璧臺其役民之繁數甚矣諸宮制度雖無可攷而范宮之地設立十虞以備田獵南北五十里東西當不止是當時天下江漢以南屬蠻苗北方數州民力有幾而用之無度如此

一卷六專紀盛姬喪葬事穆王以一禪妾耗竭財力作此無益之事實爲古今所未見聞余閱此卷終於言外得三解焉一以見民生之憔悴當時喪儀卽踊者一端已三千人況合百官七萃及男女執事當不下數萬勞役以外一切費用亦必攤派於民黎庶困窮不問可知一以見周禮之

難行喪葬執事至數萬人皆與盛姬無絲毫之關係何自王子王女以下均能哭踊如儀周禮瑣縟不近人情已可概見秦漢以後廢而棄之宜也一以見專制威力之過強但穆王所行尙不過習於侈肆弗恤其民至法國之路易十四其侈肆無異穆王復縱任列侯剝削其下不留餘地迨民無生路不得不囂然群起快其反抗之心專制蹶而民政興殆事勢所必至乎

一孔子斥文過孟子惡逢君穆王之事遠矣而元人王漸者作此傳之序竟欲以謗佞伎倆上貢於數千年前之人主何其卑鄙無恥至於此極其序謂王與七萃之士巡行天下徒衛簡而徵求寡非如秦漢之干騎萬乘空國而出鳴

呼如漸者不祇無廉恥亦且無眸子矣傳中屢言六師何盲不一見但云與七萃巡行以人人共見之書獨爲之勉強申辨其意何居攷周制二千五百人爲師六師之數已萬五千加以七萃親軍百官從士當不下二萬以二萬人行萬里路至少須備一年餉需每人日食米升須七萬餘石大車每輛載米十石須七千餘輛每輛牛馬六役夫二須增人一萬四千牛馬四萬餘頭合之六師七萃百官從士所乘之馬又不下萬頭所增人畜應需糧食麯料又須載若干車輛而器用衣服及賜予各物車輛之數尙不在內然則穆王西征謂之徒衛簡而徵求寡可乎王漸之徒欲爲穆王辯護微特無益止自供其淺陋而已

一穆王在位五十五年。本書所載僅四年事。然此四年中勞民喪財。當爲其一生之最。周史官爲穆王作傳。揭載祇此大有微旨。左昭公七年傳言。祭公謀父作祁招之詩以諫王。王是以獲沒於祇宮。意祭公諫後。王稍儆悟。故二十四年命戎夫作記。自知保位爲難。五十一年作呂刑於疑罪論贖。亦有慈祥之意。但以獲沒於祇宮句推之。知其前時侈肆不恤民艱。在在有怨毒猝發之虞。故以得終天年爲倖。此可於言外得之。

一竹書紀年與此傳同出汲冢。取以對校。得失皆可互見。如十二年十月王北巡狩。遂征犬戎。知此傳卷首所載爲十二年事。然由此歷數紀日干支。至還入宗周實兩載餘則

在十四年十月無疑。乃竹書紀於十三年冬。是誤先一年。因之四十五等年牽連並誤。如所言十四年四月畋於軍邱。五月作范宮。其時穆王尚未西歸。誰畋之。誰作之。由是知竹書所紀十三年秋七月西戎來賓。至王入於宗周。均當作十四年。十四年春王帥楚子伐徐。至作虎牢。均當作十五年。十五年正月留昆氏來賓。至封造父於趙。均當作十六年。而十七年之王西征崑崙邱。見西王母。明是錯簡。當列於十三年次於陽紂之下。此皆可因本傳以證竹書之誤者也。至本傳卷五。因晉時編排失序。如畋於軍邱。畢人告戎等七八條。皆先後紊亂。此皆可因竹書以證本傳之誤者也。

一前人言周之宗廟立於豐京故稱宗周證以竹書如成王十九年王巡狩歸於宗周三十三年房伯祈歸於宗周均指豐京固矣若穆王十三年當作十四年造父御王入於宗周證以本傳則確爲洛邑觀本傳卷四里西土之數曰自宗周瀍水以西瀍水在洛陽城東宗周與瀍水並舉其指洛邑極爲顯明蓋洛邑亦有宗廟如洛誥載殷祀蒸祭可見故得通稱爲宗周也

一前人攷竹書紀年自始至終皆用建寅月爲歲首本傳紀穆王還入宗周爲孟冬月與竹書云十月正同則亦以建寅月爲歲首無可疑矣

一傳中有特別文法如卷二云天子西征至於赤烏氏之人

丁又云辛巳入於曹奴之人戲以常法論當云至於赤烏赤鳥之人丁入於曹奴曹奴之人戲今俱省去重文合爲一句爲他書所未有此類頗多姑舉其例

一傳中缺文不論字數若干均作一圈以間隔之然細審文義仍似多有脫佚未經標出者茲姑仍其舊

穆天子傳地理攷證卷一

古杭丁謙益甫氏纂

○飲天子鑪山之上戊寅天子北征乃絕漳水庚辰至于○
鑪山無攷觀下北絕漳水知此山必在漳南今彰德府境○
按自戊寅北絕漳水越二日庚辰以每日馳行百餘里計當
可至柏鄉內邱界特不知果爲何地耳惟此下似脫王午字
蓋上距庚辰三日所謂觴天子奏廣樂當在今井陘縣地故
卽日至餅山下載立不舍也

○觴天子于盤石之上天子乃奏廣樂載立不舍言立車上不下至于
餅山之下餅山北堂書鈔作陘山癸未雨雪天子獵于餅山之西阿於是
得絕餅山之隊北循虧沱之陽爾雅水北曰陽乙酉天子北升于○

鉢山卽井陘山亦稱陘山在井陘縣北其西阿今險隘口地隊音遂郭璞註谷中險隘道也所謂絕鉢山之隊蓋自南而北截鉢山谷中行故再北卽循滹沱之陽與今驛路出娘子關者異攷滹沱河上源環五臺山南北云天子北升者殆卽升五臺山○按此節下當有脫文甚多與下北征犬戎不相連接

天子北征犬戎犬戎○胡觴天子于雷原作當誤水之陽天子乃樂○賜七萃之士戰庚寅北風雨雪天子以寒之故命王屬休顧棟高春秋大事表犬戎在鳳翔府境其本國今西甯府西北樹敦城是也穆王北征時犬戎必尙居西甯本部其地爲西域孔道故穆王卽由此以至河宗昆崙據竹書紀年征犬

戎爲十二年十月事與本節北風雨雪情景正合當水爲雷水之訛卷四言犬戎胡觴天子於雷水之阿可證此水蓋在犬戎南境今湟水也按國語以犬戎爲荒服漢書匈奴傳言戎之遠者也均可曉以西有畎戎逸周書孔注言犬戎西爲地在河湟之證賜七萃之士戰其下當脫一字如戰甲戰馬之屬茲不能確定

犬戎樹惇攷

犬戎樹惇出於國語國語舊音此書唐無名氏著以樹惇爲城名云鄯州界外羌中現有此城宋庠作補音詆爲臆說余友陳倬雲焯力辨其非謂周書史甯傳樹惇賀眞二城是吐谷渾巢穴新唐書王難得傳從哥舒翰擊吐蕃拔樹敦城是吐谷渾舊都知樹敦本犬戎故居吐谷渾西徙亦居之今西甯徼外

青海東南曼頭山北地也。余按國語韋註樹立也。言犬戎立性惇樸所解殊牽強。觀上文自大畢伯士之終犬戎以職來王。又云吾聞犬戎樹惇帥舊德而守終純固。則大畢伯士爲其先世君名。樹惇爲當時君名。明白無疑。舊音指爲城名者蓋樹惇主國時建築此城。卽以其名名之。歷北周至唐猶見史傳。故陳君謂舊音非臆說也。至以人名爲城名。中西各國多有之。惟歷史吐谷渾傳不見樹惇城名。僅云拾寅始邑於伏羅川。居擬王者。夸呂都於伏俟城。王難得傳稱爲舊都。當指伏羅川之城。伏羅川者。湟水上源。鄂刻地圖所謂博羅充克。克河也。犬戎故居在是。故觴穆王於湟水北。情形正合。陳氏以爲曼頭山北。恐無據。

甲子天子西征。乃絕隃之關隘。己亥至于焉。居禹知之平。辛丑天子西征。至于剮人河宗之子孫。剮柏絮。郭註。伯爵絮名。古伯字多从木。且逆天子於智之。○先豹皮十。良馬二。天子使井利受之。

按自犬戎地西行。隃之關隘當卽西甯邊外日雅拉山焉。居禹知二山當卽今多倫達壩地。譯言七嶺見焦。應族藏程紀略。平者山間平岡也。剮人爲河宗氏分封之國。地在滻澤以北。今土爾扈特西南二旗境。

癸酉天子舍于漆澤。乃西釣於河。以觀。○智之。○甲辰天子獵于滻澤。於是得白狐元貉焉。以祭于河宗。丙子天子飲于河水之阿。天子屬六師之人于剮邦之南。滻澤之上。

漆澤今札遜泊。故西南行卽釣於河。滻澤今敖羅海池。在鄂

凌海東百餘里河水折而南流處見水道堤綱或疑滲澤卽漆澤之訛不知穆王旣釣於河自必獵於近河處豈有北返漆澤之理屬六師于澤上蓋輕車簡從不欲以供應煩河宗國也

戊寅天子西征驚行至于陽紂之山河伯無夷之所都居是惟河宗氏河宗伯天逆天子于燕然之山勞用束帛加璧先白○天子使鄒伯受之

河宗者河水之源中國境內足當河宗名稱者惟星宿海與羅布泊然攷本書卷四自宗周涇水以西至河宗之邦陽紂之山三千四百里知河宗必指星宿海若羅布泊則太遠而里數不合無夷竹書作馮夷乃有夏帝芬時諸侯山海經作

冰夷蓋河宗國伯天之遠祖祀爲水神者也陽紂山山海經作陽汙云陽汙之山河出其中淮南子作陽盱云禹爲水以身請于陽盱之阿二條確是此地之山其他言陽紂者甚多與此無關故不泛引此山與河宗國近當卽今鄂凌湖北馬尼都山山海經從極之淵深三百仞冰夷都焉卽指鄂凌湖言燕然山當在陽紂西今札凌湖東北烏藍得什山二山名見東亞圖

癸丑天子大朝于燕然之山河水之阿乃命井利梁固聿將六師天子命吉日戊午天子大服冕襍韁帶搢翟夾佩奉璧南面立于寒下室西北隅爲寒解附卷末曾祝佐之宮人陳牲全五〇具天子授河宗璧河宗伯天受璧西向璧沈于河再拜稽首祝沈牛馬豕

羊河宗曰命于皇天子河伯號之帝曰穆滿女當永致享用時事南向再拜河宗又號之帝曰穆滿示女春山之瑤詔女崑崙○舍四平泉七十乃至崑崙之邱以觀春山之瑤賜語晦言天帝賜

語當隱晦不可宣洩舊註誤

天子受命南向再拜

此節記穆王祭河宗事祭處在星宿海北故立云南面拜云南向命於皇天子猶言受命於天帝故下卽傳天語以詔穆王郭註謂皇天子乃尊穆王之詞誤號之者大聲以誦也攷古時西方各國君皆聽命於神卽假巫祝以傳其語觀本節所載亦漢族來自西方之一證春山崑崙詳後

己未天子大朝于黃之山乃披圖視典用觀天子之瑤器曰天子之瑤玉果璿珠燭銀黃金膏天子之瑤萬金○大夫瑤百金士之瑤五十金庶人之瑤十金天子之弓射人步劍牛馬犀○器千金天子之馬走千里勝人猛獸天子之狗走百里執虎豹伯天曰征鳥使翼日○鳥鳶鶲雛飛八百里名獸使足○走千里狻猊○野馬走五百里邛邛距虛走百里麋○二十里曰伯天皆致河典乘渠黃之乘爲天子先以極西土

此節記穆王披視河圖河典事黃山當在星宿海北惟不能確指所在河圖者自古相傳出於河中典則圖後附記之文蓋圖不可讀藉典以傳其意此圖典卽黃帝所得爲河宗國世藏法物攷賈誼新書修政篇載黃帝入江內取綠圖而濟積石涉流沙登於崑崙又載堯身涉流沙地封獨山西見王母而軒轅黃帝傳亦載黃帝登崑崙立臺於沃人國北西王

母之山知穆王西征後世驚爲荒遠其實祇循黃帝與帝堯舊迹並非創舉觀以極西土句可見下文登崑崙越春山賓於西母紀迹於弇山皆恪遵河典命令而行與古事如出一轍也

乙丑天子西濟于河○爰有溫谷樂都河宗氏之所游居丙寅天子屬官效器乃命正公郊父受勅憲用申○八駿之乘以飲于枝澗之中積石之南河天子之駿赤驥盜驪白義踰輪山子渠黃華驘綠耳狗重工徹止蘽獫○黃南○來白天子之御造父三百耿脩苟及曰天子是與出○入藪田獵釣弋天子曰於乎予一人不盈於德而辨於樂後世亦追數吾過乎七萃之士○天子曰後世所望無失天常農工旣得男女衣食百姓璫富

官人執事故天有時民○氏嚮○何謀於樂何意之忘與民共利世以爲常也天子嘉之賜以左佩玉華也乃再拜稽首

西濟于河下當脫一源字蓋河之重源發於今西甯府西南境巴顏喀喇山東麓合二小支爲阿爾坦河譯言金河其地尙在星宿海西三百里與本句方位恰合溫谷樂都二地均當河源南故須濟而後至詩者小渚枝澗謂河源旁支流之小渚積石山在河源北大禹導河始此卽今噶達蘇齊老山噶達蘇譯言北極星齊老譯言石蓋山巔累石成峯高四丈望之形如極星故俗稱落星石也攷見後昔黃帝取綠圖以濟積石穆王西征事事步趨黃帝故披河圖視河典後卽西至河源以觀積石積石南河者指河源二小支中之南一支出於拉

瑪陀羅海山者拉瑪八也陀羅海頭也言山有八峯七萃之土下脫一人名其人進言於王云云故下文云天子嘉之○按竹書紀年載穆王十二年冬十月北征犬戎十三年春王西征次于陽紂卽此卷所記諸事惟其下當接云王征崑崙邱見西王母乃竹書將此文誤次於十七年豈次于陽紂後仍返宗周至十七年又復西征耶不但與本傳違戾揆之情事亦必不然錯簡無疑

積石山攷

積石之山始見禹貢以禹治鉅大之水皆從發源處施工導河自積石猶導江自岷山導漾自嶓冢導淮自桐柏導渭自鳥鼠同穴也但岷山嶓冢桐柏鳥鼠同穴諸地均在域內其

見習聞初無異說獨積石遠在塞外人跡罕經異說斯興杜佑通典則始發難端者也杜氏謂禹貢積石今西平郡龍支縣界山是諸家多以此爲小積石別有大積石山去此尙千里其實禹施功之始卽此積石更無所謂大積石山自有此言人多奉爲不刊之典遂無一人知河源出處尙有所謂積石山在嗚呼以杜氏之博洽竟爲此武斷無據之詞何怪疏陋豎儒引此以說經註史紛紛沿襲以迄於今也豈知三代至唐古書之言積石者歷歷可攷如山海經言崑崙之虛河出東北隅而行其北西當作東入勃海即鹽澤亦曰蒲昌海今羅布泊又出海外入禹所導積石山史記大宛傳于闐以東水東流注鹽澤潛行地下其南河源出焉漢書西域傳叙河之上源東注于

蒲昌海乃潛行地下南出于積石爲中國河淮南子墜形訓
河水出東北陬貫勃海貫卽班氏潛行意入禹所導積石山桑欽水
經河水屈從東南流入于勃海又出海外南至積石山下酈
道元注河水重源發於西塞之外出於積石之山山海經郭
璞注河水合而注渤海卽鹽澤已復潛行南出於積石爲中國
河唐張守節史記正義黃河源出大昆侖逕于闐入鹽澤東
南潛行至吐谷渾界積石山又東北流至小積石山顏師古
漢書注金城河關縣下云積石山在西南羌中按小積石卽山在河關東此云西南羌中非指小積石可知後漢書桓帝紀延熹二年燒當羌叛
校尉段熲討之追出塞至積石山而還新唐書党項傳党項
降後河首積石山而東皆爲中國地吐谷渾傳侯君集次星

宿海柏海上望積石山觀河源統核諸書所載積石山其地
點則河源重出處也方向則鹽澤之南也位置則塞外羌中
也明析不移若此況淮南子言禹爲治水以身請於陽盱之
阿禹旣遠禱至此則其導河必不始於龍支之小積石山明
矣杜氏之言實全無價值若元都實西求河源僅至火敦腦
兒卽星宿海而還故仍沿杜誤以小積石爲禹導河之積石山至
齊召南著水道提綱又以河流九曲所經之大雪山指爲積
石尤屬臆說總之諸立異者於河源重出之地點鹽澤以南
之方向塞外羌中之位置無一相合也抑余更有說山海經
載積石者四除海內西經言河出勃海外云云業見前引西
次三經言積石之山下有石門亦無足異外其海外北經則

言禹所積石之山河水所入大荒北經則言其西有山名曰禹所積石夫山稱積石玩一積字已有人力所成之意而提綱記噶達蘇齊老僅高四丈正與人力所成情形相合況山海經兩言禹所積石是成於人力尤覺顯然其曰禹所導者蓋蒙上河水而言如後二條設或增入導字揆之句法字法詎可通乎意禹當時治水至此特於小山之巔砌石成峯以爲導河經始之標識猶今蒙古人積累巨石以分疆界名曰鄂博是已惟年代久遠土人不知古事故以落星石呼之然則噶達蘇齊老謂卽禹貢積石徵之古今群籍其地點其方向其位置殆無一不相合者敢特揭之以求正於博雅諸君子

穆天子傳地理攷證卷二

古杭丁謙益甫氏纂

○伯天○封膜晝于河水之陽以爲殷人主丁巳天子西南升○之所主居主居謂主宰居住與上卷無夷之所都居句法相同爰有大木碩草爰有野獸可以畋獵

按膜晝當是伯天子姓故分河水以北地請天子封之水道提綱河源西南有拉母陀羅海山穆王所升當卽其地戊午曷○之人居慮獻酒百○于天子天子已飲而行遂宿于崑崙之阿赤水之陽爰有鶡鳥之山天子三日舍于鶡鳥之山按本傳卷四里西土之數自陽糸西至西夏丘二千五百里自西夏氏至珠余氏及河首襄山千五百里又西南至春山

珠澤崑崙邱七百里西夏珠余河首襄山均不見於此文當在本節以上脫簡中以今地核之穆王蓋由河源北行至柴達木又西北經羅布泊至庫勒爾城又西經庫車阿克蘇折西南經疏勒府東又南至和闐直隸州境再以道里核之西夏珠余當在庫車地河首襄山當在瑪喇巴什廳地崑崙山在和闐南別有專攷赤水今喀什噶爾河唐地志作赤河西域水道記作赫色勒河赫色勒回語赤也當時穆王欲至崑崙先經此水此水雖源出葱嶺而流行之地南近崑崙故冠以崑崙之阿且崑崙葱嶺本相連接亦可通稱故山海經言赤水出崑崙西北隅而東北流按此水所出及所流方向與今河恰合鶲鳥之山當在喀什噶爾東北

○吉日辛酉天子升于崑崙之邱以觀黃帝之宮而封豐隆之葬以詔後世癸亥天子具蠲齊牲全以禋于崑崙之邱甲子天子北征舍於珠澤以釣于流水曰珠澤之藪方三十里爰有葦葦莞蒲茅蕡蒹葭乃獻白玉○隻○角之一三可以○沐乃進食○酒十○姑劓九○亦味中糜胃而滑因獻食馬三百牛羊三千天子○昆侖以守黃帝之宮南司赤水而北守春山之瑤天子乃○之人○吾黃金之環三五朱帶貝飾三十工布之四○吾乃膜拜而受天子又與之黃牛二六以三十○人于崑崙邱

此節記穆王禋崑崙事按此山自西而東橫亘和闐南境約千餘里山海經言流沙之濱赤水之後黑水之前謂赤水南黑水北

有大山名崑崙之邱形勢脗合博雅高阜曰邱陸賈新語黃帝巡游四海登崑崙山起宮望於其上因黃帝有宮其上故升而觀之惟黃帝之宮至穆王時尙存非其地國君隨時修葺何以能然豐隆人名當是從黃帝西征而道卒者故葬於此珠澤山海經作稷澤今名伊斯庫里泊在和闐西北百餘里此泊西南有桑珠坡雅爾滿二水流入之與傳言北征及釣於流水台

季夏丁卯天子北升于春山之上以望四野曰春山是唯天下之高山也孽木○華畏雪天子于是取孽木華之實曰春山之澤清水出泉溫和無風飛鳥百獸之所飲食先王所謂懸圃天子於是得玉榮枝斯之英曰春山百獸之所聚也飛鳥之所棲也爰有○獸食虎豹如麋而載骨盤○始如麁小頭大鼻爰有赤豹白虎熊羆豺狼野馬野牛山羊野豕爰有白鳥青鶻執犬羊食豕鹿曰天子五日觀于春山之上乃爲銘迹於懸圃之上以詔後世

此節紀穆王游春山事本傳不見書年當在卷首脫文中據竹書紀年征犬戎在十二年十月則此季夏爲十三年六月無疑春山一作春山山海經作邊春山言其山多葱又作鐘山云山有燭龍謂日視晝暝夜均指葱嶺而言葱嶺有一峯曰塔戛爾瑪其高度至二萬五千三百英尺穆王自珠澤北行蓋經咽瑪及頗斯坎穆等台溯澤勒普善河西上又折北以升是山曰北征舉其大略言之春山之澤卽薩雷庫里湖

湖縱約九里橫約三十里水面高於平地萬四千二百尺左右之山又高於湖五千尺湖水西流爲阿母河源然其東面之水亦可通阿克蘇河唐元奘西域記言大龍池東西各一派卽指此湖在葱嶺絕頂大帕米爾及瓦罕帕米爾中間四山圍繞故溫和無風先王所謂懸圃先王指黃帝以地高若懸又動植物繁盛有類園圃故以懸圃名之山海經黃帝取塞山之玉榮投之鍾山之陽此所得玉榮枝斯之英卽黃帝所投物以穆王有六師從行故能徧搜山谷而得之也

壬申天子西征甲戌至于赤烏以文義言下當有赤鳥二字然本傳類此者凡數見知非脫佚之人其當作兀獻酒千斛於天子食馬九百牛羊三千穄麥百載天子使祭父受之曰赤烏氏先出自周宗太王亶父之始作西土封其元子吳太伯於東吳詔以金刃之刑賄用周室之璧封

其璧臣長季綽於春山之虱虱字無解或是原字之訛妻以元女詔以玉石之刑以爲周室主天子乃賜赤烏之人○其此句人下當脫兀旁遂致誤入正文墨乘四黃金四十鎰貝帶五十朱三百裏兀乃膜拜而受曰○山是唯天下之良山也瑤玉之所在嘉穀生之草木碩美天子于是取嘉禾以歸樹於中國曰天子五日休于○山之下乃奏廣樂赤烏之人兀好獻二女於天子女聽女○列爲嬖人曰赤烏氏美人之地也瑤玉之所在也

赤烏氏國據卷四里西土之數云在春山西三百里當爲今瓦罕部地攷瀛環志畧葱嶺以西因都庫士山南北諸部落均無水田惟瓦罕云田土膏腴故嘉穀生之此穀當爲特別美種故特移植於中國惟其地不聞產玉殆因東南與峯山

近採購俱易又以玉石爲刑故爲瑤玉所在天下良山當仍指春山言蓋赤烏亦春山地也故卷四直云赤烏氏春山己卯天子北征趙_{義全}_超行○舍庚辰濟于洋水辛巳入于曹奴之人戲觴天子于洋水之上乃獻食馬九百牛羊七千穄米百車天子使逢固受之天子乃賜曹奴之人戲○黃金之鹿銀鷹貝帶四十宋四百裏戲乃膜拜而受

按此北征當是東北行至小帕米爾地乃折而南至乾竺特部境卽曹奴氏之所居今棍雜城也洋水卽棍雜河山海經言洋水西南流注于醜塗之水今棍雜河發源因都庫土山南正西南流至幾勒幾城東南入印度河醜塗爲印度轉音且醜塗水卽印度河也

壬午天子北征東還還全旋謂北行東轉或作還返解誤甲申至于黑水西膜所謂鴻鷺於是降雨七日天子留胥胥待也原誤骨六師之屬天子乃封長肱於黑水之西阿原作河誤是唯鴻鷺之上以爲周室主是曰留胥之邦

黑水今葉爾羌河又曰澤普勒善河土人稱喀喇烏蘇喀喇言黑烏蘇言水卽黑水也其源有二西源出塔克敦巴什山東南穆王由曹奴國北征東還形勢正合其所至之處當卽今塞勒庫勒城地長肱氏受封於此卽漢依耐魏唐渴盤陀國境西膜種人名一作仙摩一作塞米的一作西米科特漢書所謂塞種是也亞西里亞國卽本傳西王母邦爲其種人所建設當時葱嶺以西皆在此國勢力範圍之內故各國皆奉其禮

法如膜拜之類並遵其語言如鴻鷺茂苑木禾之類長肱人名當是其地酋長穆王因雨留居七日念其供應繁費故卽其所居地封爲世守之君舊註以長肱爲長臂人非是辛卯天子北征東還乃循黑水癸巳至於羣玉之山容成氏容原缺从御覽補之所守曰羣玉田山○知阿平無險四徹中繩先王之所謂策府寡草木而無鳥獸爰有○木西膜之所謂○天子於是取玉三乘玉器服物於是載玉萬隻天子四日休於羣玉之山乃命邢侯待攻玉者

羣玉之山山海經作峩山今稱密爾岱山在葉爾羌西南庫克雅爾池克里克二莊之西漢書西夜子合國產玉石卽其地西域水道記言密爾岱山凡三成上下皆石中一成瓊瑤

函之彌望無際故曰玉山採者乘釐牛至其巘鑿之墜而後取往往重千萬斤又言托里布隆河卽葉爾羌河南源東北流數百里逕密爾岱山北又東北與澤普勒善河會穆王由長肱氏國北征東還循黑水至羣玉山按之地圖中俄交界圖一一脗合孟秋丁酉天子北征○之人潛時觴天子于羽陵之上乃獻良馬牛羊天子以其邦之攻玉石也不受其牢伯夭曰○氏檻○之後也天子乃賜之黃金之璧三六朱三百裏潛時乃膜拜而受

羣玉山在潛時邦內潛時爲其地主故於穆王北行時追而餕之羽陵地未詳當去羣玉山不遠

戊戌天子西征辛丑至于剴闔氏天子乃命剴闔氏供食六師

之人于鐵山之下壬寅天子登北堂書
鈔作祭于鐵山乃徹祭器于剗
闔之人溫歸乃膜拜而受天子已祭而行乃遂西征丙午至于
鶻韓氏爰有樂野溫和穄麥之所草犬馬牛羊之所昌瑤玉之
所○丁未天子大朝于平衍之中乃命六師之屬休己酉天子
大享正公諸侯王吏七萃之士于平衍之中鶻韓之人無鳬乃
獻良馬百匹用牛三百良犬七十犧牛二百野馬三百牛羊二
千穄麥三百車天子乃賜之黃金銀器四七貝帶五十朱三百
裏變○雕宮無鳬上下乃膜拜而受庚戌天子西征至于元池
天子三日休于元池之上乃奏廣樂三日而終是曰樂池天子
乃樹之竹是曰竹林癸丑天子乃遂西征丙辰至于苦山西膜
之所謂茂苑天子于是休獵于是食苦丁巳天子西征己未宿

于黃鼠之山西○乃遂西征癸亥至于西王母之邦

此節紀穆王自羣玉山至西王母邦事卷四里西土之數言
截春山之北自羣玉山以西至西王母邦三千里觀截春山
之北句知穆王所經行與今由新疆南路往西域之道正同
上節既云北征蓋自玉山直北行至今英吉沙爾地由是折
而西行上格茲山峽經小喀喇庫里湖又西踰格里塔嶺西
稍南經魯善部地至達爾瓦斯部卽傳剗闔氏所居鐵山在
其東北完治河上游是山產鐵質極精純爲各部落所爭售
見俄人康穆才甫游記以上所經卽卷四所謂截春山之北
也自此再西漸出葱嶺抵今布哈爾部地卽傳鶻韓氏國其
地田土肥沃而少山嶺故稱樂野又曰平衍元池今布哈爾

城西南有登吉斯湖地望相合且舍此別無他池由是西行所至苦山當在斜拉哈斯城西黃鼠山未詳當在今波斯西境故過此卽至西王母邦西王母事載於古書甚夥如爾雅釋地山海經莊子列子洛書靈淮聽河圖玉版見列淮南子魚豢魏畧晉書地理宋書符瑞志等皆是其專紀西王母來獻者有尚書大傳大戴禮記竹書紀年瑞應圖世本而軒轅黃帝傳言黃帝登崑崙立臺於沃人國北西王母之山抱朴子引內經言黃帝與西王母會於王屋賈誼新書言帝堯西見王母焦氏易林言稷爲堯使西見王母淮南子言羿請不死藥於西王母可知中國與西王母邦交通最久穆王之往見並非創舉攷葱嶺以西諸國古史西歷前元二千三百年

來足以當西王母邦稱號者最先惟加勒底一名加爾特亞與黃帝同時繼之爲巴比侖與堯舜同時又繼之者爲亞西里亞與穆王同時此三國者皆興盛於底格力士幼發拉的兩河之間爲古代西亞各國之領袖中國人種卽由其地遷徙而來朝聘相通固其宜已惟西王母之名諸說不一或謂國名則國統業經三易何其名相沿不改且彼地史書並無此名或謂西母卽西膜轉音然加勒底爲思米爾人所建國非西膜種何唐虞以前西王母早見記載或謂西母卽亞述所奉之女神然穆王所見明明是人非神且何以處加勒底巴比侖之不奉此神者更有以亞述王后西米拉美爲西王母者攷之亞述史記此后時代實在穆王後萬國史記萬國

通鑑西史綱目等所載后事均訛誤不足憑至於蓬髮戴勝豹尾虎齒似指偶像裝飾言若辭賦家所謂玉顏妙齒更屬想像之詞無足深論總之西王母之爲神名爲國名爲王名皆歷有可徵惟專執一說則左抵右牾必不可以相通竊謂西王母者古加勒底國之月神也軒轅黃帝傳言時有神人西王母太陰之精天帝之女可爲月神確證攷加勒底建都於幼發拉的河西濱名曰吾耳一作城而城有大月神宮殿窮極華美爲當時崇拜偶像之中心點見興國史譜又其國合諸小邦而成無統一之王外人但稱爲月神國以中國語意譯之則曰西王母卽稱其國爲西王母國嗣並移而名其國之王而彼地史書實無此神名無此國名無此王名也自是國統雖

易中國人稱之如故如大夏本古國與黃帝同時後地爲希臘人所佔改名巴特里亞而史記漢書仍以大夏名之是其例矣茲以穆王所至西王母邦爲亞西里亞不但國勢同符卽道里亦相脗合前人多謂西王母居崑崙山殆未見本傳自羣玉山西往西王母邦三千里語乎穆王見西王母處當卽亞西里亞國都尼尼微城年表作密尼佛據舊約創世記此城爲古加勒底寧綠王所造至前元一千一百三十年亞西里亞王帝臘皮思始建爲都舊約拿書言城極廣大圍行四周三日始遍希臘史記言城長六十里闊亦幾四十里垣高十丈上可三馬車並行而興國史譚則言此城周六十英里人口四百萬爲太古時代之倫敦信宇內一大都會矣其國興盛若此

故本傳紀穆王賓于西王母竹書十七年紀西王母來見亦云賓于昭宮彼此均用賓禮與沿道各國接待賜予之儀文迥不相同也

穆天子傳地理攷證卷三

古杭丁謙益甫氏纂

吉日甲子天子賓于西王母乃執白圭元璧以見西王母好獻錦組百純○組三百純西王母再拜受之○乙丑天子觴西王母于瑤池之上西王母爲天子謠曰白雲在天山際同自出道里悠遠山川間之將子無死尙能復來天子答之曰予歸東土和治諸夏萬民平均吾顧見汝比及三年將復而野天子遂驅升于弇山乃紀刀迹于弇山之石而樹之槐眉曰西王母之山瑤池當在其都內爲西王母館穆王處故穆王假之以行觴禮其地建築當極華美故後人以仙境目之西王母謠託興深微全在首二句蓋隱寓人種西來之意言白雲雖上升于

天然其初由山陵而出如中華誠爲大國溯厥祖先實來自彼邦所惜道里山川遙爲阻隔不能時相晤聚故深望繼此之得見也至穆王酬答之詞語氣亦相承一線苟其不然開手兩言先何所取義耶弇山本傳郭注云卽弇茲山日所入也攷亞西里亞國轄境西至地中海海東北濱有阿馬那司山新約作亞馬奴山地圖作亞爾馬山阿馬那司急讀音如弇茲此山自北而南高約四百丈長二百五十里見猶太地理擇要奧倫斯河源出山東南流折而西入地中海山海經崦嵫之山苕水出焉西流注于海卽此水也弇山西旣臨海故古昔相傳爲日所入處又軒轅黃帝傳云帝立臺于沃人國北西王母之山曰軒轅臺山海經亦言有沃之國沃民是處沃民國蓋指巴比侖言

興國史譚巴比侖國土極肥饒種麥一粒可得百五十至三百粒海棗之屬生殖尤繁遠近稱爲沃國名與實符而阿馬那斯山正在其國北境黃帝立臺其地已稱爲西王母山穆王升此雖未見古臺遺跡而紀石之文亦曰西王母之山其踵武軒轅尤顯然可見矣

西王母之山還歸刀○世民作憂以當作心字之訛吟曰比徂西土爰居其野虎豹爲群於鵠與處嘉命不遷我惟帝天子大命而不可稱顧世民之恩流涕歎隕吹笙鼓簧中心翔翔世民之子唯天之望丁未天子飲于溫山○考鳥原注引竹書曰穆王見西王母西王母止之曰有鳥

鵠人按今本紀年無

此記自弇山還至西王母邦事弇山旣爲當時陸地盡處山

北小亞西亞地至穆王後則河典所云以極西土穆王業履
三百始開見亞述古史行之矣故從原道還卽赤烏氏君從穆王西行者蓋此次
弇山之行歷嘗艱苦感念隨征士衆皆有莫能告語之情故
托爲詠吟寫其憂鬱比徂西土四句言近日往至弇山所經
巴坦阿蘭諸地地在亞西里亞西境爲至弇山所必經昔皆
亞拉伯罕挈眾西遷曾歷其地見舊約書皆
沙磧少人烟故惟與鳥獸爲侶嘉命不遷言君威難犯不敢
違其命令我惟帝天子大命二句言我等處此惟有聽諸天
命無可告語顧世民之恩二句恩當作思言回顧世民代爲
之思遂流涕不能自止吹笙鼓簧四句言雖處樂境而心則
飛翔不已所望者天心能轉休息此世民赤子耳此吟用意
微遠猝不可曉余從蛛絲馬跡間察之始得其解實與祁招

之詩所云形民之力而無醉飽之心同一宗旨惟措詞格外
謹慎恐稍露而觸禍也山海經註所引多與此異校者乃謂
彼註當得其眞欲改而從之豈知彼註所引雖較明順但細
核之意多舛背如首二句易比徂爲徂彼易野爲所已與情
事不合若我惟帝女何彼世民又將去子等句辭氣更無箸
落至移其文於前云西王母又爲天子吟尤爲荒謬此必由
郭氏卒意妄改無疑溫山當卽尼尼微北馬西亞司山圖作
亞爾熱羅什山此山爲東北至曠原必由之道考烏或指烏山
曉當闕疑惟山海經有烏山辱水出焉語此考烏或指烏山
言故下節接言飲于滹水上姑錄以備一說

己酉天子飲于滹水上乃發憲命詔六師之人○其羽爰有

○藪水澤爰有陵衍平陸碩鳥解羽六師之人畢至于曠原曰天子三月舍于曠原○天子大饗正公諸侯王吏七萃之士于羽璫之上乃奏廣樂○六師之人翲畋於曠原得獲無疆鳥獸絕群六師之人大畋九日乃駐于羽之○收皮效物債車受載天子于是載羽百車

此節紀穆王北至曠原居獵三月事濬水當卽尼尼微東北郭馬爾河卷四里西土之數自西王母邦北當作東北至曠原之野飛鳥之所解其羽千九百里山海經大澤千里群鳥之所生及所解大澤者裏海也此曠野在裏海東今俄屬雜喀斯比斯省地羽璫非地名蓋羽積如山久遂腐而成土人可登陟故稱之曰羽璫

己亥天子東歸六師○起庚子至于○之山而休以待六師之人庚辰天子東征癸未至于戊○之山智氏之所處智氏往往見天子于戊○之山勞用白驥二匹野馬野牛四十守犬七十乃獻食馬四百牛羊三千智氏○天子北游于獮子之澤智氏之人獻酒百○于天子天子賜之狗瓊采黃金之璧二九貝帶四十朱丹三百裏桂薑百○乃膜拜而受此下均記穆王東歸事穆王行於己亥六師之人殆因行裝未備不克隨扈起上所脫必是未字故次日穆王休於某山以待越十二日方再行也戊○山爲晉氏國境然行僅三日必距曠原不遠當卽今溪西爾亞城西之山獮子澤在戊○山之北當卽札瑪拉湖

乙酉天子南征東還己丑至于獻水乃遂東征飲而行乃遂東南己亥至于瓜纏之山三周若城閼氏胡氏之所保天子乃遂東征南絕沙衍辛丑天子渴于沙衍求飲未至七萃之士高奔戎刺其左驂之頸取其清血以飲天子天子美之乃賜奔戎佩玉一隻奔戎再拜詣首天子乃遂南征甲辰至于積山之邊爰有萼柏曰萼余之人命懷獻酒于天子天子賜之黃金之璧貝帶宋丹七十裏命懷乃膜拜而受乙巳○諸餅獻酒于天子天子賜之黃金之璧貝帶宋丹七十裏諸餅乃膜拜而受

穆王自縫子澤南行轉東與今路形勢符合行凡七日核其地望所至獻水必卽謀夫城南木爾加布河瓜纏山今謀夫東庫克求別山三周若城言山形重疊環繞有類城郭其山

爲闕胡二氏所轄但其東阻於大河地鮮居民無船可渡不得已改道向南直穿戈壁行於無水之境按今通行之路由謀夫起程當傍木爾加布河而南至馬魯察克城然後折而東穆王當日蓋誤向東行致受沙衍之困積山原當爲今什貝爾昆城地城南之山殆卽古時積山

穆天子傳地理攷證卷四

古杭丁謙益甫氏纂

庚辰至于滔水濁絲氏之所食辛巳天子東征癸未至于蘇谷骨舒氏之所衣被乃遂南征東還丙戌至于長次重鵲氏之西疆丁亥天子升于長次乃遂東征庚寅至于重鵲氏黑水之阿爰有野麥爰有荅堇西膜之所謂木禾重鵲氏之所食爰有采石之山重鵲氏之所守曰枝斯璿瑰瑤瑤琅玕玲瓏瓦瓊玗琪徹尾凡好石之器于是出孟秋癸巳天子命重鵲氏共食天子之屬五日丁酉天子升于采石之山于是取采石焉天子使重鵲氏之民鑄以成器于黑水之上器服物佩好無疆曰天子一月休○秋癸亥當是仲秋天子觴重鵲之人解獵乃賜之黃金之器

二九銀鳥一隻貝帶五十朱七百裏箇箭桂薑百崗絲繩雕官
猻獮乃膜拜而受乙丑天子東征猻獮送天子至于長沙之山
○隻天子使柏天受之柏天曰重醜氏之先三苗氏之○處以
黃木驪銀采翟氏云木驪銀采疑與下銀木驪同文此有缺誤○乃膜拜而受

滔水似卽漢書媯水今曰阿母河濁繇氏魚豢魏畧作屬繇
今本山海經作居繇居亦屬字傳寫之譌國在河濱故食其
利當爲今亞查克城等地蘇谷距滔水三程當在今撤馬兒
罕城南山谷間基大普城地長汎殆指撤馬兒罕東北一帶
砂磧地南征東還者按今山撤馬兒罕北渡雜拉敷山河經
池列克摩科洛二城後其路漸折向南又東行也升長汎者
登沙磧中小山也重醜氏邦當在今俄屬塔什干費爾干等

省地長汎乃其西界黑水卽支納司河其上游名喀喇庫里
札河喀喇譯言黑故稱黑水采石之山當在河北然是地今
不聞產美石或採取已竭耶按馬哥游記言巴達克商產紅寶石其地當在重醜氏境內所云采石之山或卽指此長沙山必重醜氏東界故送穆王至此此山當
卽特穆爾圖泊北壁郭阿拉陶山攷山海經長沙之山泚水
出焉北流注於勃水又槐江之山邱時之水出焉北流注於
勃水泚水蓋今庫圖爾河發源阿拉陶山陰北入巴爾哈什
湖槐江山雖不知所在然下文云南望崑崙則必居崑崙北
面可知今阿克蘇城北木素爾嶺正與和闐南山對峙而山
陰所出之特克斯河亦北流入巴爾哈什湖是巴爾哈什湖
爲古勃水無疑考據家混勃水爲勃澤謂卽羅布泊不獨與

山海經所載山之方位水之流行俱不相合而以之釋本傳則下文山巨蒐兩國更無從安置矣重醜氏地昔爲三苗所居知商周三苗國在此蓋自舜時竄於三危後漸徙居天山以西但重醜氏旣佔其地則三苗種人不知又徙何處無可考矣

本傳剖析鷗韓諸地皆古大夏國境攷

葱嶺迤西有自古著名之國曰大夏其立國尙在黃帝以前
黃帝遺伶倫至大夏西取嶮谷之竹爲簫可證周書王會篇及伊尹獻
周書王會篇及伊尹獻傳歷商與周令均載其國名可證
世幾二千年至周襄王十七年始爲馬太國所并見萬國穆史綱目穆王西行時其國尙存攷其疆界東自葱嶺西抵波斯凡三千
里縛芻大河中境西流見大唐西域記以是觀之穆王西征所經如

鐵山樂野平衍樂池以至苦山歸程所經如獻水積山濁絲
滔水以至蘇谷長深均當在大夏境內所稱剖析鷗韓骨骭
重醜等氏非其分封之屬部卽其守土之疆臣傳所以不言
大夏者以大夏都城巴克地亞在縛芻河南卽今阿母河穆王當時未經其地故耳鄙見所及用質高明

丙寅天子東征南還己巳至于文山西膜之所謂○觴天子于
文山西膜之人乃獻食馬三百牛羊二千穄米千車天子使畢
矩受之曰○天子三日游于文山于是取采石王寅當作王申天子
飲于文山之下文山之人歸遺乃獻良馬十駟用牛三百守狗
九十犧牛二百以行流沙天子賜之豪馬豪牛尨狗豪羊以三十
祭文山又賜之黃金之璧一九貝帶三十朱三百裏桂薑百

嵩歸遺乃膜拜而受

穆王由長沙山東行轉南而至文山蓋東至今伊犁城折南至特克斯河卽漢烏孫地文山國爲西膜人所立西膜卽塞種漢書烏孫傳言烏孫本塞種大月氏西破走塞王攷塞王失國在秦末穆王至此正西膜有國時此亦的確證據文山者今木素爾嶺也

癸酉天子命駕八駿之乘右服繻驃即華驃而左綠耳右驂赤驃古驃而左白儀古義天子主車造父爲御箇箇爲右次車之乘右服渠黃而左踰輪右驂盜驪而左山子柏天主車參百爲御奔戎爲右天子乃遂東南翔行馳驅千里至於巨蒐之人彌奴乃獻白鵠之血以飲天子因具牛羊之潼以洗天子之足及二

乘之人甲戌巨蒐之人彌奴觴天子于焚留之山乃獻馬三百牛羊五千秋麥千車膜稷三十車天子使柏天受之好獻枝斯之石四十箇韜冕鑑珌佩百隻琅玕四十覩燧十篋天子使造父受之○乃賜之銀木甕采黃金之罌二九貝帶四十朱三百裏桂薑百嵩彌奴乃膜拜而受

此穆王自文山至巨蒐事蓋由文山東行踰那喇特嶺順裕勒都斯河東南至今焉耆府地當卽巨蒐國所在巨蒐古作渠搜禹時與崑崙析枝同貢絨皮崑崙以山名在和闐南析枝漢西域傳作捷枝在輪臺東今洋薩爾台地三國接境相距不遠皆隸新疆南路正禹貢雍州西界隋書以鑛汗爲渠搜涼土異物誌謂渠搜在大宛北均太遠出禹域外不足據

焚留山無攷

乙亥天子南征陽紂之東尾乃遂絕慙晉之谷。乙原脫今補至于
穀璫河之水北阿爰有穀瀆之○河伯之孫事皇天子之山有
模董其葉是食明后天子嘉之賜以佩玉一隻柏天再拜稽首
癸丑天子東征柏天送天子至于刷人刷柏絮觴天子于澠澤澠澤卽前之上剗多之汭河水之所南還曰天子五日休于澠澤之
河宗正也柏天再拜稽首天子南遠北堂書鈔有祭于宜軫之鄭句升于長松
之墮孟冬壬戌至于雷首犬戎胡觴天子于雷水之阿乃獻食
馬四北堂書鈔作四四六天子使孔牙受之曰雷水之平寒寡人具犬
馬牛羊爰有黑牛白角爰有黑羊白血

此穆王自巨蒐南行至河宗國東境事陽紂見前此但云南
征陽紂東尾無至字者蓋遙向其地而行非已至也攷巨蒐
南至陽紂相距甚遠因中皆沙磧荒野無地名可以標舉故
云慙晉之谷當卽今庫勒爾城東遮留谷水經注所謂鐵谷
關也穀璫河卽今拜河地近陽紂故爲河伯之孫所居穀瀆
地未詳刷人穀瀆均見前水北曰汭剗多之汭當卽指穀瀆
之水西流入河處而河水正於此折向南行形勢脗合觀此
愈可見穀瀆所在決不與漆澤同地長松之墮地未詳雷首
者雷水上源之山當在犬戎西南蓋卽今索爾古山郭註謂
蒲坂之雷首山誤

癸亥天子南征升于彘之墮丙寅天子至于鉶山之隊東升于

三道之磴乃宿于二邊命毛班逢固先至於周以待天子之命癸酉天子命駕八駿之乘赤驥之駟造父爲御○南征翔行逕絕翟道升于太行南濟于河馳驅千里遂入于宗周官人進白鵲之血以飲天子以洗天子之足造父乃具羊之血以飲四馬之乘一

彘之磴在雷水南一程當卽礪伯縣南境之山此餅山隊爲太行西谷在今山西平定州東三道磴二邊均在其地按不出地圖從此南行有一捷路可通邢州其路南過沾水據趙氏水經注平定州樂平縣今縣廢駐州判東五十里有昔陽故城卽春秋鼓子都鼓爲白翟種時直穿其地而行故曰逕絕翟道又東南踰太行山脊卽今鶴度嶺口又東卽邢州郭注謂翟

道在隴西上下文義均不可通由是西南濟河入宗周均坦道便馳驅

庚辰天子大朝于宗周之廟乃里西土之數自宗周灑水以西北至于河宗之邦陽紂之山三千有四百里自陽紂西至于西夏氏二千有五百里自西夏至于珠余氏及河首千有五百里自河首襄山以西南至于春山珠澤崑崙邱七百里自春山以西至于赤烏氏春山三百里東北還至于群玉之山截春山以北自群玉山以西至于西王母之邦三千里○自西王母之邦西北至于曠原之野飛鳥之所解其羽千有九百里自宗周至于西北大曠原萬四千里乃還東南復至陽紂七千里還歸于周三千里各行兼數三萬有五千里吉日甲申天子祭于宗周之

廟乙酉天子○六師之人于洛水之上丁亥天子北濟于河○
羝之隊以西北升于盟門九阿原作河誤之墮乃遂西南仲冬壬辰至龕山之上乃奏廣樂三日而終吉日丁酉天子入于南鄭

據此節所紀道里之數去爲萬四千里歸祇一萬里去路多四千里者以所行半山徑曲折不若歸路之逕直然穆王此行往還均不自宗周而迂繞至河北以踰岍山迨抵陽糸又西行至河源積石其南則升崑崙邱旣抵赤鳥本可直向西行乃復東經曹奴又北行轉東至群玉山再北截春山往西王母邦旣至其地更西向往返於弇山此皆不在當經道里數內故綜核兼數共三萬五千里也洛水源出澠池縣西北東流至鞏縣入河蓋西征凱旋之師於洛水上勞犒之也○

羝之隊地未詳當在孟縣西北境故由此以升九阿之墮盟門卽孟津史記正義云在河陽縣南今爲孟縣西河陽堡九阿墮攷今濟源縣西一百五十里有十八盤坂爲西行至秦孔道當卽古時九阿以東近孟津故冠以盟門字龕山西距南鄭三日程今芮縣西南有自西而東之山殆卽龕山南鄭見下卷注

穆天子傳地理攷證卷五

古杭丁謙益甫氏纂

○寶處曰天子四日休于濩澤于是射鳥獵獸丁丑天子○雨乃至祭父自圃鄭來謁留昆歸玉百枚陵翟致賂良馬四駟歸畢之寶以詰其成陵翟子鬻胡○東牡見許男于洧上祭父以天子命辭曰去茲羔用玉帛見許男不敢辭還取束帛加璧○毛公舉幣玉是日也天子飲許男于洧上天子曰朕非許邦而恤百姓也咎氏宴飲毋有禮許男不敢辭升坐于出尊乃用宴樂天子賜許男駿馬十六許男降再拜空首乃升平坐及暮天子遣許男歸癸亥天子乘烏舟龍卒北堂書鈔
卒亦作舟浮于大沼○
濩澤郭註今平陽濩澤縣水經注沁水又南與濩澤水合又

東逕濩澤縣接濩澤故城在今澤州陽城縣西南二十里圃鄭郭註鄭有圃田後漢地理志中牟有圃田澤在今鄭州東北留昆國名竹書紀年十五年春留昆氏來賓但其地無攷陵翟路史作郊子廣韻陵亭名在馮翊而地亦未詳畢國名郡縣志在京兆萬年縣西南二十八里今咸陽縣南境畢與陵近故被侵竹書殷王武乙二十四年周師麟伐程戰於畢克之又帝辛六年西伯初禴于畢三十一年西伯治兵于畢杜佑通典畢王季初都之後畢公封焉按下文畢人告戎一段當在此前陵翟懼討始歸寶求成此錯簡許國今許州地洧水在其北大沼似卽洧淵在新鄭縣西南

夏此必孟夏庚午天子飲于洧上乃遣祭父如圃鄭用○諸侯辛未天子北還釣于漸澤食魚于桑野丁丑天子里圃田之路東至

于房西至于○邱南至于桑野北盡經林煮○之藪南北五十○當是里字十虞東虞曰免臺西虞曰櫟邱南虞曰○富邱北虞曰相其御虞曰○來十虞所○庚辰天子次于軍邱以畋于藪曰甲寅天子作居范宮以觀桑者乃飲于桑中天子命桑虞出○桑者用禁暴人仲夏甲申天子○所庚寅天子西游乃宿于祭王辰祭公飲天子酒乃歌闔天之詩天子命歌南山有麇丁酉天子作臺以爲西居壬寅天子東至于雀梁甲辰浮于滎水乃奏廣樂

漸澤無攷桑野爲范宮地嘗在今鄭州南房在圃鄭東非春秋房子國地櫟邱郭註河南陽翟縣今禹州地免臺史記正義云在河北今地未詳富邱攷竹書惠成王十六年邯鄲伐

衛取漆富邱城之水經注漆城在滑臺東南濮渠旁富邱當與相近余友陳君焯云北虞下當以曰相爲句相卽殷河亶甲遷都地後世立爲相州今彰德府城邱之畋竹書在十四年當在十五年四月然地無攷桑中者桑野之中非衛風桑中地祭爲祭公封邑國語註畿內之國春秋釋例祭城在河南上有敖倉爲今汜水縣北境與本文西游合一統志云在鄭州東北十五里乃鄭祭仲邑與此異作臺爲西居卽下卷重璧臺以時方興築故未有名雀梁在洛河東見水經黃雀溝注在今汜水縣境滎水在滎陽縣東

季夏庚戌休于范宮仲秋丁巳天子射鹿于林中乃飲于孟氏爰舞白鶴二八還宿于雀梁季秋天子司戎于○來虞人次御

孟冬鳥至王曰○弋仲冬丁酉天子射獸休于深蘚得麋麅豕鹿四百有二十得二虎九狼乃祭于先王命庖人熟之戊戌天子西游射于中○方落草木鮮鮮蓋解字之訛命虞人掠林除藪以爲百姓材是日也天子北入于邴與井公博三日而決辛丑塞至于臺乃大暑除天子居于臺以聽天下之○遠方之數而眾從之是以選刦乃載之神人○之能數也乃左右望之天子樂之命爲○而時○焉○其名曰○公去乘人○猶○有虎在乎葭中天子將至七萃之士高奔戎請生捕虎必全之乃生捕虎而獻之天子命爲之柙而畜之東虞是爲虎牢天子賜奔戎畋馬十駟歸之太牢奔戎再拜詣首丙辰天子北游于林中乃大受命而歸

孟氏邑未詳觀下還宿雀梁必地與相近當亦在汎水境深
蘚無攷邴郭註鄭邑公羊傳隱八年鄭來歸邴左傳作祊范
守己豫譚謂卽中牟縣地至于臺卽至上文丁酉所作之臺
虎牢在今鞏縣東然非東虞地漢地理志注後漢郡國志注
俱引作東虢是也○按此節脫佚過甚又多舛誤如是日也
至而眾從之當移入上文休于范宮下蓋皆夏日事也是以
選坊至天子樂之當移入後文祭公占之下蓋皆卜筮事也
而捕虎一段乃與上以爲百姓材接蓋皆冬狩事也

仲秋甲子天子東游次于雀梁○蠹書於羽林蠹上當脫曝字季秋○
乃宿于所畢人告戎曰陵翟來侵天子使孟愈如畢討戎霍侯
舊告薨天子臨于軍邱狩于藪季冬甲戌天子東游飲于留祁

射于麗虎讀書于荔邱○獻酒于天子乃奏廣樂天子遺其靈
鼓乃化爲黃蛇是日天子鼓道其下而鳴乃樹之桐以爲鼓則
神且鳴則利於戎以爲琴則利○于黃澤天子東游于黃澤宿
于曲洛廢○使宮樂謠曰黃之池其馬歛沙皇人威儀黃之澤
其馬歛玉皇人受穀

按陵翟侵畢竹書在十四年九月此錯簡當紀於陵翟致賂
前蓋陵翟懼討始歸寶以求成也霍今山西霍州霍侯之薨
竹書在十六年亦錯簡留祁麗虎均當在范宮東然地無攷
荔邱漢黎陽縣今濬縣地黃澤攷水經注蕩水又東北至內
黃縣入于黃澤卽漢地理志所云內黃西北羑水出焉東流
至羑城北積水成淵者是也今湯陰縣北羑河鎮地曲洛未

詳

丙辰天子南游于黃室之邱以觀夏后啟之所居乃○於啟室
天子筮獵萃澤其卦遇訟三三坎下乾上逢公占之曰訟之繇藪澤
蒼蒼其中○宜其正公戎事則從祭祀則憲畋獵則獲乃飲蓬
公酒賜之駿馬十六疋綺三十篋蓬公再拜稽首賜筮史狐曰
有陰雨夢神有事是謂重陰天子乃休日中大寒北風雨雪有
凍人天子作詩三章以哀民曰我徂黃竹○員闕寒帝收九行
嗟我公侯百辟冢卿皇我萬民旦夕弗忘我徂黃竹○員闕寒
帝收九行嗟我公侯百辟冢卿旦夕弗窮有皎者駱翩翩其飛
嗟我公侯○勿則遷居樂甚寡不如遷土禮樂其民天子曰余
一人則淫不皇萬民○登乃宿于黃竹天子夢羿射于塗山祭
一人則淫不皇萬民○登乃宿于黃竹天子夢羿射于塗山祭

公占之疏○之○乃宿于曲山王申天子西升于曲山○天子
西征升于九阿南宿于丹黃戊寅天子升于藜邱之陽○過于
靈○井公博乃駕鹿以游于山上爲之石主而○寘輶乃次于
豆水之陽吉日丁亥天子入于南鄭

黃室之邱爲夏后啟故居竹書紀帝卽位于夏邑下卽云饗
諸侯于鈞臺徐位三箋謂鈞臺在陽翟知卽位之夏邑卽陽
翟也然以此傳觀之穆王所觀后啟居室當在山西安邑以
前後所紀皆安邑旁近地也萃澤攷水經注澮澮之間陂池
甚多如王澤董澤晉興澤等均去安邑不遠未知孰卽萃澤
竹書作獵於萍澤爲十四年事當作五年賜筮史狐謂蓬公所
得物轉賜掌筮之史名狐者夢神有事卽下文所言夢羿射

于塗山也亦前後錯置黃竹地未詳帝收九行言雪後九衢
壠塞似天帝將世間道路盡行收藏者然近人謂收當作牧
云牧治九州果爾則上下文氣尙可通耶有皎若駱二句乃
形容大雪情景惟細審詩旨所謂皇我萬民禮樂其民皆虛
廓無實之言並無矜恤編氓真意曰以哀民微辭也禹會諸
侯之塗山左傳注在壽春東北地理今釋在濠州鍾離縣西
九十五里山前有禹會村按今山在懷遠縣東南八里見一
統志曲山未詳九阿見前丹黃地無攷藜邱卽上菴邱竇輪
左傳作巔輪水經注有東西絕澗中築成道謂之輪橋在今
虞鄉縣南豆水郭注今洹津水經注河至宏農有洹津之名
又言河北縣有洹水南入于河爲今汭縣地南鄭者穆王所

都一作西鄭竹書附注穆王以下都于西鄭是也今陝西同
州府

按此卷舛錯甚多攷竹書紀年畋于軍邱翟人侵畢卽本卷
畢人告戎蒐萍澤作虎牢均十四年事當作五年留昆氏來賓作重璧
臺卽木卷作臺
以爲西居觀于鹽澤均十五年事當作六年而霍侯之薨
亦在是年此皆前後錯亂又夢羿射于塗山宜列于曰有陰
雨之先是以選刲載之神人二句似與祭公占之爲一事茲
皆分裂數處致文義不貫晉人奉勅校綴次第何同出汲冢
之紀年亦不取以互讐未免草率又按左傳昭四年言穆王
有塗山之會竹書紀年言穆王三十九年王會諸侯於塗山
未必非先因是夢後見諸實事

穆天子傳地理攷證卷六

古杭丁謙益甫氏纂

○之虛皇帝之間乃○先王九觀以詔後世己巳天子○征舍于菹臺辛未獵菹之獸于是白鹿一遷乘逸出走天子乘渠黃之乘馳焉天子邱之是曰五鹿官人之○是邱○其皮是曰○皮○其脯是曰○脯天子飲于漯水之上官人膳鹿獻之天子天子美之是曰甘癸酉天子南祭白鹿于漯○乃西飲于草中大奏廣樂是曰樂人

按竹書築重璧臺在十六年春則此卷皆是年事菹臺地無攷五鹿左傳杜注在衛縣東衛縣今淇縣東之衛縣集漯水四書釋地補在東昌朝城縣惟水經注太平御覽引穆傳此

文天子飲於灤水句上俱有自五鹿三字宜補入。

甲戌天子西北○姬姓也盛柏之子也天子賜之上姬之長是曰盛門天子乃爲臺是曰重璧之臺戊寅天子東田于澤中逢寒疾天子舍于澤中盛姬告病天子憐之○澤曰寒氏盛姬求飲天子命人取漿而給是曰壺輪天子西至于重璧之臺盛姬告病○天子哀之是曰哀次天子乃殯盛姬于轂邱之廟○壬寅天子命哭啟爲主祭父賓喪天子王女叔姓爲主天子○賓之命終喪禮于是殤祀而哭內史執策官人○凡職曾祝敷筵席設几盛饋具肺鹽羹胾脯棗酏醢魚腊糗韭百物乃陳腥俎十二乾豆九十鼎敦壺尊四十器曾祝祭食進肺鹽祭酒乃獻喪主伊扈伊扈拜受○祭女又獻女主叔姓叔姓拜受祭○祝

報祭觴大師乃哭卽位畢哭內史○策而哭曾祝捧饋而哭御者○祈而哭抗者觴夕而哭佐者承斗而哭佐者衣衾佩○而哭樂人陳琴瑟○竽籥箎筦而哭百○眾官人各○其職事以哭曰士女錯踊九○乃終喪主伊扈哭出造舍父兄宗姓及在位者從之佐者哭且徹饋及壺鼎俎豆眾宮人各以其職皆哭而出井利○事後出而收癸卯大哭殤祀而載。

以下皆紀穆王喪葬盛姬事本節乃紀盛姬病卒後殯殮之禮按穆王殤一穉年寵妾喪葬之事乃侈靡無極爲古今所未有祁招之詩所云形民之力無醉飽心真描寫盡致盛伯姬姓國文王子叔武之後公羊莊八年傳成者何盛也盛曷謂之成諱滅同姓也成左傳作邲知此盛國卽春秋之邲故

鄜城在山東汶上縣北二十里作重璧臺竹書在十五年春知此後所記均是年事臺地另有攷按此節盛姬病後穆王先歸於臺蓋欲整治室宇以備迎迓不意盛姬竟卒於是時不獲親見故穆王心傷倍至增重喪禮寄其哀思殆以此乎甲辰天子南葬盛姬于樂池之南天子乃命盛姬之喪視皇后之葬法亦不拜後於諸侯河濟之間共事韋縠黃城三邦之事輦喪七萃之士抗者卽車曾祝先喪大匠御棺日月之旗七星之文鼓鐘以葬龍旗以○鳥以建鼓獸以建鐘龍以建旗曰喪之先後及哭踊者之間畢有鐘旗○百物喪器并利典之列于喪行靡有不備擊鼓以行喪舉旗以勸之擊鐘以止哭彌旗以節之曰○祀大哭九而終喪出於門喪主卽位周室父兄子孫

倍之倍與陪同諸侯屬子王吏倍之外官王屬七萃之士倍之姬姓子弟倍之執職之人倍之百官眾人倍之哭者七倍之踊者三十行行萃百人女主卽位嬖人群女倍之王邑姬姓之女倍之宮官人倍之宮賢庶妾倍之哭者五倍踊者次從曰天子命喪一里而擊鐘止哭曰匠人哭于車上曾祝哭于喪前七萃之士哭于喪所曰小哭錯踊三踊而行五里而次曰喪三舍至于哀次五舍至于重璧之臺乃休天子乃周姑繇之水以圜喪車是曰圜車曰殤祀之

此節紀盛姬之喪由轂邱之廟至重璧臺事喪行五舍以三十里曰舍計凡一百五十里樂池當在重璧臺南百五十里以下節喪行亦五舍也地當在禹州境濟爲北濟水河濟間

今懷慶府境韋卽古豕韋國今滑縣南董城鎮穀卽穀邱見上節黃卽春秋黃城漢書外黃縣在今杞縣東南太康縣地姑繇水在重璧臺旁下節言釣於河觀姑繇水知此水爲北流入河之小澗惟東漢時汴渠成後河南小水盡壅導入渠舊跡無存矣

孟冬辛亥邢侯曹侯來弔內史將之以見天子天子告不豫而辭焉邢侯曹侯乃弔太子卽伊太子哭出廟門以迎邢侯再拜勞之侯不答拜邢侯謁哭于廟太子先哭而入西向卽位內史賓侯北向而立大哭九邢侯厝踊三而止太子送邢侯至廟門之外邢侯遂出太子再拜送之曹侯廟弔入哭太子送之亦如邢侯之禮王子天子具官見邢侯曹侯天子還反邢侯曹侯執

見拜天子之武一天子見之乃遣邢侯曹侯歸于其邦王官執禮其于二侯如故曰天子出憲以或襚賜癸丑大哭而甲寅殮祀大哭而行喪五舍于大次曰喪三日于大次殯祀如初辛酉大成百物皆備壬戌葬史錄繇鼓鐘以赤下棺七萃之士○士女錯踊九○喪下昧爽天子使嬖人贈用文錦明衣九領喪宗伊扈贈用變裳女主叔姪贈用茵組百嬖人官師畢贈并利乃藏報哭于大次祥祠○祝喪罷哭辭於遠人爲盛姬謚曰哀淑人天子名之是曰哀淑之邱乙丑天子東征舍于五鹿叔姪思哭是曰女姪之邱丁卯天子東征釣于漯水以祭淑人是曰祭邱己巳天子東征食馬于漯水之上乃樹原作鼓誤棘是曰馬主癸酉天子南征至于河臺

此節紀盛姬喪自重璧臺至葬所事。邢國今直隸邢台縣曹國今山東曹州曹縣河臺卽重璧臺以築於河上故亦稱河臺。穆王由漂水西南行至此曰南征方位亦合。

仲冬甲戌天子西征至于因氏天子乃釣于河以觀姑繇之水。按姑繇之水明載上文翟氏本改水爲木蓋因山海經有姑繇之木致誤丁丑天子北征戊寅舍于河上乃致父兄子弟王邑姬○祥祠畢哭終喪于囂氏己卯天子西濟于河此下當有脫文囂氏之遂庚辰舍於茅尺于是禋祀除喪始樂素服而歸是曰素氏天子遂西南癸未至於野王甲申天子升于大北之墮而降休于兩柏之下天子永念傷心乃思淑人盛姬于是流涕七萃之士莫豫上諫於天子曰自古有死有生豈獨淑人天子不樂出於永思永思有益莫忘其新天子哀

之乃又流涕是日輶己未二字衍文乙酉天子西絕餅墮乃遂西南戊子至于鹽己丑天子南登于薄山賓輪之墮乃宿于虞庚寅天子南征吉日辛卯天子入于南鄭

因氏地在重璧臺東河南岸故下云釣於河觀姑繇之水以前盛姬之喪曾中道駐此乃觀之以寄其哀思囂氏攷史記殷本紀仲丁遷於皋索隱皋亦作囂水經注濟水此北濟水東逕敖山東敖山在今氾水縣東北卽囂氏所居地茅尺今平陸縣東茅津鎮野王郭注河內縣今屬懷慶府然其地當在茅尺東北上文言西南恐有錯誤大北之墮當是井陘以北之山故後文西絕餅墮以歸南鄭鹽郭注在河東解縣鹽卽鹽也竹書十五年冬觀于鹽澤可證今爲解州鹽池左成六年
郇瑕地沃

饒而近鹽注。郇瑕河東解。薄山在鹽池南。攷水經注云。鹽池縣西北知鹽池古稱爲鹽。薄山出東南薄山。又云。永樂澗水北出薄山。南流入於河。永樂澗在今芮城縣西南永樂鎮地。薄山南卽賓輪坂。古虞城在今虞鄉縣南。水經注輪橋東北有虞原。原上有虞城是也。

附重璧臺攷畧

重璧臺爲穆王居盛姬處。竹書載於十五年春。與傳合。惟穆王取盛姬。卽在是春作臺以居。何成之遠。按上卷曾云。天子作臺以爲西居。是臺築已久。時適竣工。乃狀其形勢。錫以重璧之名耳。而臺在何地。自來無多。攷大約處范宮西。故有以爲西居之語。但盛姬居此。亦無多時。卽挈之東行。以事畋獵。而盛姬因病卒於畋所。是時乃就近地殯於轂邱之廟。轂邱卽

穀邱春秋曹地。當在今封邱縣境。由此喪行五舍。至重璧臺。以舍三十里計。當在今滎澤縣北濱河處。觀以姑繇水圍喪車。及釣於河觀。姑繇水可見。姑繇水爲重璧臺旁北流入河之小溪。而臺之近河明矣。以臺近於河。故後又稱曰河臺。

附錄杭州楊雲成 譬龍解寒字書

承示穆天子傳有天子立于寒下句。昨徧查寒字。難得其解。竊謂寒字之義。似當於本義求之。說文宀下云。交覆深屋也。象形。寒字云。凍也。从人在宀下。从辯上下爲覆。徐本下有欠也。夫宀爲交覆深屋。而寒既从宀。又从辯。自上下爲覆之義。則寒之名。有關於宮室可知。說文宀部。寔養也。室之東北隅。官戶樞聲也。室之東南隅。奥宛也。室之西南隅。此三字以類

相次而獨不言西北隅今以意度之疑說文原本寒字當列於宦字之下其說解當云凍也室之西北隅今本次序錯亂又脫室之西北隅句遂致失其本義蓋古書言寒字者每於北言之亦於西北言之如呂覽有始淮南墜形並云北風曰寒風後漢書張衡傳注云北極之山曰寒門易說卦云乾西北之卦也又曰乾爲寒觀此諸文知西北本是寒方故室之西北隅曰寒穆傳寒字之義殆如是歟

楊君雲成錢唐名宿邃於經學著有行素室經說行世此書解寒字從說文無字句處尋出妙諦證以易說卦篇語彌見精確而於本傳立曰南面拜曰南向及河宗受璧西向等句情形均合不得以於古無徵議之

中國人種從來攷

中國史書皆始於盤古而三皇繼之伏羲神農黃帝又繼之並無言他處遷來之事然將觀雲氏言世界一事一物之發明必經若干人之心思若干紀之歲月此古今之通例也觀吾五帝時代文化之發生既驚其驟又多出於一世一人之手不能不生學者懷疑心以世間文化無此頓進之率也自光緒二十年西歷一千八百九十四年法人拉克伯里著支那太古文明西元論引據亞洲西方古文證中西事物法制之多同而彼間亦實有民族東遷之事於是中東學者翕然贊同初無異詞且搜采古書以證明其說如劉氏光漢之華夏篇思故國篇黃氏節之立國篇章氏太炎之

種姓篇蔣氏觀雲之中國人種攷及日本人所著之興國史譚等雖各有主張要無不以人種西來之說爲可信茲不具述畧揭其大要於下

依西亞古史中國人種爲丟那尼安族其族分二派一思米爾一阿加逖皆起於亞洲中境思米爾人先入美索波達米譯言兩河間南境建立加勒底國阿加逖人後至沙岐山麓建都城於蘇薩稱靄南國一作伊蘭其王廓特奈亨臺科黃特兼併加勒底諸部既乃率其種人遷入中華謂即黃帝以此王時代在西元前二千二百年間也但其說不確因此年數卽彼土亦不衷一或謂在二十四世紀至二十七世紀據竹書所紀之年上推黃帝爲二千六百

二十年與第一說不相應而與第二說差近但亦無實證不足爲憑攷黃帝事跡中國古籍記載頗詳其生也爲炎帝諸侯少典之子其立國也爲有熊在今河南新鄭縣地其有天下也以蚩尤追逐炎帝起義勤王滅蚩尤以成帝業至其他逸事如登崑崙見西王母歸而平治天下但有由東而西無一由西而東之說果黃帝親從彼至何必汲汲然登崑崙見西王母耶西人言伏羲畫八卦卽加勒底人楔形書並揭舉離卦之辭以證其說是伏羲時已傳西方文化則中國人種雖自西來其來也不特非黃帝並非伏羲神農可知按西史謂從中國者爲巴克民族巴克乃盤古轉音中國人謂盤古氏開闢天地未免失實而盤古

氏之爲中國始遷祖則固確有可攷矣梁沈約竹書附註載炎帝時諸侯夙沙氏叛不用命炎帝益修其德夙沙之民自攻其君而來歸夙沙卽鬻南國都城蘇薩西人謂我華人種由彼地來此更於中國書中得一實證惟細審情事似非始遷殆因彼地之人早入中華建爲大國故聞風續至耳暨陽蔣氏攷古代加勒底民族遷移當分前後二說前者爲塞米的人侵入之時後者爲廓特奈亨臺王興古是也夙沙人之來當在後卽西人所指黃帝是也按西人但知奈亨臺王率其種人遷入中國而不知彼國之民實自生叛亂攻滅其君乃歸附於中國不然奈亨臺王時代國勢正強何忽棄其安樂之故鄉於萬餘里外別求棲息地耶

五大洲中立國最早者莫如埃及與加勒底埃及弗論而加勒底朝八十六代均在西元前二千三四百年以上是先於吾國五帝數千年矣故五帝之世所稱爲神聖創造之物無一非彼間所已有用是知中國人種由彼而來非同臆說今試分類攷之一歷法中國自伏羲作甲歷神農作歷曰黃帝作甲子作蓋天及調歷謂爲推步之始而不知一年分三百六十五日分十二月分二十四節氣又分四季置閏月五星以配日十干十二支相循環且推躔度以知日月之薄蝕占星象以定人事之吉凶其法皆創自加勒底人尤足異者爾雅所載歲陽歲名月陽月名即閏提格之名稱至今亞洲西方尙沿用之此豈偶然暗合能如是

乎。按中國所用太陰曆由加勒底傳入而歐洲所用太陽曆則由埃及傳入始采用者漢時羅馬大西該撒也可見加勒底埃及文化之遠又猶太先世以色列族亦由二加勒底分出至今猶太人仍遵用太陰曆與中國同。

井田自黃帝畫井爲田唐虞三代相仍不改謂爲耕鑿之利勃興爲西方第一富國也三宮室有巢氏構木爲巢爲中國宮室之始然加勒底甯祿王時已有巴祉塔廟其後月神宮殿更以恢宏壯麗稱固不僅茅茨土階藉蔽風雨而已四冠服西方古史雖未言其制度然觀和爾客王甄璽所雕男女冠服均有文采以辨等威則冠服不始於中國矣五器用近人窮搜博訪覓得加勒底人舊物如煉甄如瓷棺如燈瓶盃甕以及舟楫布帛其精者且有晷表有

凸鏡人生日用所需大概畧備惟竹木諸器日久朽壞無可尋求則器用不始於中國矣史言宮室衣服器用皆黃帝時作至於文字之制圖畫之形鐫刻之技算術之原巴比侖有自一千尖體字石刻均不得謂中國所獨創以是觀之中國人種來是西方理自可信所以拉克伯里之說一出研精古學者皆以爲然不聞有反對之言也。

或謂盤古之後三皇繼之方及羲農似年代相距太遠不知三皇並無事跡僅存其名中國先儒多以伏羲神農太昊分配之新學家則謂皆加勒底古代王名而緯書中亦有天皇十三頭謂酋長十三分治下同地皇十一頭人皇九頭之說且三皇以外尙有泰皇異說紛紛莫衷一是竊謂盤古之

下徑當直接羲農三皇有無不足深究卽有亦當在盤古
前若十三頭十一頭九頭云云頗與加勒底古史相合或
我國人種當西來時三皇之名熟在人口遂流傳後世歟
按緯書尙書璇璣鈐言人皇始宅中州之
土則東遷鼻祖當卽人皇姑引以備一說

穆天子傳紀曰干支表

年月日者歷史家紀事之大綱也此傳體例亦歷史紀事之一種惜乎簡策損壞紀年之文既不可見紀月復寥寥數條其足資攷證者獨紀日之干支耳茲列爲表俾閱者可於離距之遠近推見當日情形雖然亦惟前四卷爲然後二卷以晉時編排失其次序整比爲難姑存而弗論云

卷一

戊寅

北征絕漳水據竹書紀
年爲穆王十二年十月

庚辰

距前二日所至
地名已脫佚

壬午

原文脫佚以行程核補
距前二日至鉶山下

癸未

距前一日絕鉶山
之隊循虜沱之陽

乙酉

距前二日北升于○山

庚寅

當作庚戌距前二十五日蓋由虜沱上游西抵

犬戎境非五日所能至移後二十日情事方合
是日觴于犬戎南雷水之上以雨雪天寒休息

甲子 距庚戌十四日，因雪留滯且大戎既服改議遠征，自必增調軍旅籌備一切至是始得啟行。西絕隃之關墮翟。

己亥 距前三十五日至焉居本作甲午。禹知之平因軍旅糧芻。

癸酉 距前三十二日舍漆澤須陸續運至故沿途駐以待。

丙子 距前三十二日飲于河水之阿屬六師于滻澤之上放西釣于河翟本作癸卯。

戊午 距前五日祭品未備故耶是日大朝于燕然之山。

乙丑 距前六日西濟于河源。

己未 距前一日大朝于黃山。

丙寅 距前一日宿于積石之南河。

戊寅 紅山翟本作戊申。

癸丑 距前三十五日在陽紂又停月餘者殆祭品未備故耶是日大朝于燕然之山。

甲辰 距前三十一日獵于滻澤。

辛丑 距前二日至于崩人。

丁巳 距前五十一日按此上脫文甚多蓋自河宗至崑崙赤水須經西夏珠余河首襄山諸地五十日行四千里。

合恰

戊午 距前二日于赤水之陽。

辛酉 距前三日升于崑崙之邱。

癸亥 距前二日禋于崑崙。

甲子 距前一日北舍于珠澤。

季夏丁卯 距前二日升于春山。

壬申 距前五日西征。

甲戌 距前二日于赤烏。

己卯 距前五日濟澤水入于曹奴氏。

乙卯 距前二日至于黑水。

甲申 距前二日于羣玉山。

戊戌 距前一日西征。

壬寅 距前一日大登于鐵山。

丁未 距前一日大朝于平衍。

癸丑 距前三日

丙辰

距前三日 至于苦山

丁巳 距前一日

己未

距前二日宿于黃鼠山西阿

癸亥 距前四日至于西王母邦

卷三

甲子 距前一日賓

乙丑

距前一日觴西王母于瑤池

丁未 距前四十二日至弇山還飲于溫山弇山西濱地中海

又休息三閱月大畋九日至是始東歸也

己亥 距前一百十日蓋北赴曠原行程十餘日

觀休息計之故

庚子 距前一日至○

庚辰

距前四十二日飲于潯水

癸未 距前二日至于戊○之山

乙酉

距前二日南征東還

己丑 距前四日至于獻水

己亥

距前十一日東南至于瓜臚之山乃南絕沙衍

辛丑 距前二日渴于沙衍

甲辰

距前三日至于積山之原

乙巳 距前一日諸

癸未

距前二日至于蘇谷

辛巳 距前一日東征

癸未

距前二日至于蘇谷

丙戌 距前三日南征

丁亥

距前一日升于長淡又東征

庚寅 距前三日至于長淡

孟秋癸亥

距前三日命重鼈氏共食五日

丁酉 距前四日升于采石之山命一月休

仲秋癸亥

距前二日觴重鼈氏

乙丑 距前二日東征至于長沙之山

丙寅

距前一日東征南還

己巳 距前三日至于文山

壬申

距前三日飲于文山之下原作壬寅誤蓋上明

言三日游于文山且作壬寅是仲秋至孟冬有一百餘日矣核改壬申則五十九日兩皆密合

癸酉

距前一日東南
馳行至于巨蒐

甲戌

距前一日觴
于焚留之山

乙亥

距前三日南征
絕轂晉之谷

乙巳

距前三十日至穀璫水
之北阿已字原文脫佚

戊午

距前五日東征南
還升于長松之墮

丙寅

距前三日至于鉶山之
隊按此時當得徐戎之

癸亥

距前一日升
于髭之墮

庚辰

距前七日大朝于
宗周里西土之數

甲申

距前四日祭
于宗周之廟

乙酉

距前一日休六
師于洛水之上

丁亥

距前二日北濟于河
升于盟門九阿之墮

癸酉

濟河入于宗周亦三日行千里

庚辰

距前一日大朝于
宗周里西土之數

丙寅

距前三日至于鉶山之
隊按此時當得徐戎之

丁酉

距前一日休六
入于南鄭

甲申

距前四日祭
于宗周之廟

卷五

丁丑

留昆歸王
陵翟致賂

癸亥

浮于
大沼

孟夏庚午

飲于
洧上

辛未

釣于
漸澤

丁丑

里圃田
之路

庚辰

畋于
邱

甲寅

范宮
作居

仲夏甲申

飲祭
公酒

庚寅

西游宿
于祭

壬辰

飲祭
范宮

丁酉

西居
作臺爲

壬寅

東至
雀梁

甲辰

浮于
滌水

季夏庚戌

休于
范宮

仲秋丁巳

飲于孟氏還
宿于雀梁

季秋辛巳

司戎于
深蘿

戊戌

西游

辛丑

至于
臺

丙辰

北游林中

仲秋甲戌

東游次
于雀梁

季秋○○

宿于房畢人告戎霍侯舊薨

季冬甲戌

東游飲于留祁

丙辰南游○

室之邱

壬申

西升于曲山

戊寅西升于陽○

丁亥南鄭

卷六

己巳舍于

菹臺

辛未飲于漂水之上

癸酉祭白鹿于漂水

甲戌西北征取盛姬

戊寅澤中至重壁臺

壬寅盛姬

甲辰以盛姬喪行見邢侯

孟冬辛亥邢侯葬曹

壬子曹侯

癸丑大次喪行至

辛酉喪物

壬戌葬盛姬

乙丑東征舍于五鹿

丁卯釣于漂水

己巳食馬于漂水

癸酉河南至

仲冬甲戌西至因氏

丁丑北征

戊寅舍于河上終喪于鬻氏

己卯西濟于河

庚辰舍于茅尺至

癸未野王至子

甲申升于大北之墮

乙酉絕鋤山之墮

戊子至于藍

己丑南登于薄山

庚申南征檀疏云當作庚寅

辛卯入于南鄭

按此傳前四卷皆紀穆王遠征事當分爲五段第一段自戊寅至乙酉計七日爲北巡狩事第二段自庚寅至癸酉計二十五日爲伐犬戎事第三段自甲子至己亥計四百六十九日爲征西域事第四段自庚子至癸酉計二百十四日爲西

域還至宗周事第五段自庚辰至丁酉計二十四日爲宗周西入南鄭事攷竹書紀年穆王十二年冬十月王北巡狩遂征犬戎至十三年冬十月造父御王入于宗周均前四卷所紀事今細核之自卷一戊寅至卷四癸酉爲日共七百十五實歷二歲零七日據竹書以北巡狩爲十二年十月則還入宗周當在十四年十月竹書云十三年十月者誤也且因此知竹書所紀四十五兩年事牽連俱誤如徐戎侵洛據史記秦本紀穆王西巡樂而忘歸徐偃王作亂造父御王一日千里歸以救亂云樂而忘歸知西行之久云歸以救亂知距徐叛尙不甚遠則此事當在十四年秋不當在十三年秋明甚又王帥楚子伐徐戎克之亦當爲十五年事蓋王於十四

年十月方入宗周十一月方還南鄭匆匆殘臘豈能出師遠征而紀於十四年可乎至於畋軍邱作范宮蒐萍澤作虎牢均當遞後一年情事始協不獨西征嵒峯邱見西王母誤書於十七年也

所可異者以三千年前之古書不但山川道里漢魏人所不能知者今攷之皆厯厯堪徵卽隨事所紀干支之細亦與厯法脗合彼翟云升氏信手改易縮短一百餘日直是毫無取義然原文小小舛戾亦不能免如卷二之季夏當作仲秋孟秋當作季秋此統核前後日數而知之若卷四之壬寅當作壬申前攷證中已詳言之卷六末庚申當作庚寅檀疏亦揭之

據傳言癸酉王入宗周假定十四年孟冬王戊朔則癸酉爲十月十一日由是上推卷一戊寅當爲十二年十月初五日余不解算術又無長厯等書用資參攷恐有謬誤幸博雅君子教之

蕭山郁九齡
餘杭章箴同校

浙江圖書館叢書第二集

佛國記地理攷證

中華民國四

年浙江圖書

館校刊

晉釋法顯佛國記地理攷證

古杭可謙益甫氏纂

法顯昔在長安慨律藏殘缺遂以宏始二年歲在己亥與慧景道整慧應慧嵬等同契至天竺尋求戒律初發跡長安度隴至乾歸國夏坐夏坐訖前行至耨檀國度養樓山至張掖鎮張掖大亂道路不通張掖王慇懃遂留爲作檀越於是與智嚴慧簡僧紹寶雲僧景等相遇欣於同志便共夏坐夏坐訖復進至燉煌有塞東西可八十里南北四十里共停一月餘日法顯等五人隨使先發復與寶雲等別燉煌太守李浩供給度沙河沙河中多惡鬼熱風遇則無全上無飛鳥下無走獸遍望極目莫知所擬惟以死人枯骨爲標幟行十七日可千五百里得至鄯善

國其地崎嶇瘠薄人衣鼯褐國王奉法有四千餘僧悉小乘學住一月日復西北行十五日到鳴沙國亦有僧四千餘人皆小乘學然遇客甚薄智嚴慧簡慧嵬遂返高昌求行資法顯等蒙苻公孫供給得直進西南行路無居民涉行艱難在道一月五日得到于闐國其國豐樂人民殷盛眾僧數萬人多大乘學國民門前皆起小塔作四方僧房供給客僧王居法顯等於瞿摩帝伽藍是大乘寺三千僧食堂整肅器鉢無聲慧景道整慧達先發向竭叉國法顯等欲觀行像停三月日其國從四月一日城內灑掃道路城門上張大幃幕王及妃女皆位其中作四輪車高三丈餘狀如行殿七寶莊嚴像立車中二菩薩侍作諸天侍從皆金銀彫瑩懸於虛空像去門百步王脫冠易衣徒跣持

香出迎像入門時夫人采女搖散眾花紛紛而下一僧伽藍一日行像凡十四日乃訖城西七八里有王新寺作八十年經三王方成高二十五丈彫文刻鏤眾寶合成嚴麗整飾非言可盡旣過行像僧紹隨胡道人向罽賓法顯等進向子合國在道二十五日便到其國國王精進有千餘僧多大乘學住十五日已南行四日到於靡國安居安居已行二十五日到竭叉國與慧景等合值國作五年大會沙門雲集如法供養或一月二月或三月多在春時王會已羣臣繼之並以車騎珍寶布施布施已還從僧贖其地山寒不生餘穀惟熟麥耳國有千餘僧盡小乘學國當葱嶺之中從此西行向北天竺在道一月得渡葱嶺嶺冬夏有雪彼主人卽名雪山人度嶺已到北天竺始入其境有

一小國名陀厯眾僧皆小乘學昔有一彌勒像高八丈齋日常放光明諸國王競興供養今現在此順嶺西南行十五日崖岸險絕其山惟石壁立干仞臨之目眩投足無所下有水名新頭河昔人有鑿通路施旁梯者凡度七百梯已躡懸組過河河兩岸相去減八十步訪問土人云自立彌勒像後便有天竺沙門齋經律過此河者過河便到烏菴國烏菴國正是北天竺也有五百僧伽藍皆小乘學有客比邱到悉供養三日傳言佛嘗至此國遺有足跡或長或短隨人心念至今猶爾及曬衣石度惡龍處亦悉現在慧景道整慧達先發向佛影那竭國法顯等住此夏坐坐訖南下宿訶多國其國佛法亦盛爲佛割肉貿鴿處從此東下五日行到健陀衛國是阿育王子所治處佛曾於此

以眼施人國人多小乘學自此東行七日有國曰竺剎尸羅竺剎尸羅漢言截頭也佛於此以頭施人故名復東行二日至佛投身餽虎處從健陀衛南行四日到佛樓沙國有塔高四十餘丈所經塔廟壯麗都無此比乃罽賓膩伽王所作佛鉢亦在此國可容二斗許厚二分瑩徹光澤時慧達寶雲僧景遂還秦土慧景病亡法顯乃獨進西行十六由延至那竭國界醯羅城中有佛頂骨精舍骨黃白色方圓四寸其上隆起王及國人供養極誠從此北行一由延到那竭國城東南一由延有一谷入谷西行四日有佛僧伽梨國旱時出衣禮拜供養天卽大雨城南半由延有石室博山西南向佛留影其中去十餘步觀之如佛真形金色炳著轉近轉微諸國王遣工模寫終莫能及住此冬

二月法顯等三人南度小雪山山冬夏積雪由山北陰中過大
寒暴起人皆噤戰慧景口吐白沫語法顯云我不復活便可時
去勿俱死遂終法顯悲號力前得過嶺南到羅彝國有三千僧
兼大小乘住此夏坐坐訖南下行十日到跋那國亦有三千僧
從此東行三日復渡新頭河兩岸皆平地過河有國名毗荼佛
法興盛兼大小乘學知遠求佛法供給所須待之如法

此一段法顯自叙由長安西行出塞渡沙河踰葱嶺抵北印
度及西印度邊界各國事按高僧神僧二傳法顯姓龔氏平
陽武陽人有三兄並殤其父恐禍及顯三歲便度爲沙彌家
居數年病篤欲死因送還寺信宿便瘥遂不復歸嘗與同學
田中刈稻時有飢賊欲奪之眾皆走顯曰若欲須穀隨意所

取但君輩昔不布施故致飢貧今復奪人恐來世彌甚賊乃
棄穀去及受大戒志行明敏儀軌整肅每慨經律舛闕誓志
尋求以晉隆安三年發長安云云與本記畧同及歸南造京
師就佛陀跋陀禪師於道場寺譯出摩訶僧祇律方等泥洹
經雜阿比曇心論百餘萬言旣又出大泥洹經流布教化有一
家失其姓名自寫一部讀誦供養室後被火資物皆盡惟
此經具存卷色無改後至荊州卒於辛寺年八十六長安今
陝西西安府時爲後秦姚興所據改元宏始其二年卽東晉
安帝隆安三年也隴指隴山在秦州時乞伏乾歸在隴西稱
西秦王夏坐卽安居西域記二每年五月十六至八月十五
爲上安居六月十六至九月十五爲下安居云坐夏或坐臘

皆訛耨檀國卽南涼王禿髮耨檀時降秦爲涼州刺史鎮姑臧卽今涼州府養樓山在永昌縣西北與山丹縣接界處今曰大黃山卽唐地志天寶縣之焉支山也張掖今甘州首縣十六國春秋是年沮渠男成等叛呂光推段業爲主攻張掖克之張掖王卽段業也燉煌在嘉峪關外今爲縣屬安西州沙河卽黨河以河在沙磧中故名鄯善漢故國在羅布泊東南烏彝卽漢書焉耆西域記作阿耆尼原註舊曰烏彝今爲喀喇沙爾城近改設焉耆府于闐見漢書今和闐直隸州子合亦見漢書魏書悉居半故子合國又作宋駒波西域記作斫匈迦令葉爾羌南綽洛克朗台地於麾魏書作權于摩謂故漢烏宛記言在子合南四日程當在今奇靈卡地竭叉居

葱嶺中以地望核之卽漢書依耐魏書渴槃陀伽藍記作漢盤陀今塔什庫爾干城地陀厯卽魏書鉢盧勒唐書大勃律居博羅爾南本治城地伽藍記言從鉢盧勒向烏場鐵鎖爲橋懸虛而度與本記正合是陀厯卽鉢盧勒之確證新頭河一作信度河今曰印度河烏蔑伽藍記作烏場西域記作烏仗那言其國都曹揭離城東北逆上信度河千餘里至達麗羅川乃其舊都觀本記情形正居舊都時也曹揭離今阿富汗東加非利斯坦之班底城達麗羅川卽察赤山水其舊都地則魯爾格城是宿訶多在烏蔑南當卽今塔科特城犍陀衛魏書作乾陀西域記作健馱羅今阿富汗國東干達馬克城竺刹尸羅西域記作怛叉始羅今北印度拉烏爾奔的城市

弗樓沙卽魏書小月氏所都之富樓沙伽藍記作佛伏沙西域記作跋虜沙在印度河西今英屬白沙威爾城那竭國西城記作那揭羅曷在干達馬克西北今納直里城由延者印度里名一由延合中國十六里或作由旬西域記作踰繕那小雪山在阿富汗都城南今名白瓦里山口羅彝國名他書未見今白瓦里山南有圖里城譯音相近當卽其地跋那國在羅彝南十日程當卽今哈爾奈城東距印度河三日亦合毗荼國在印度河東岸當卽今克爾普爾城

從此東南行減八十由延到一國名摩頭羅又經捕那河河左右有二十僧伽藍可三千僧從此以南名爲中國寒暑調和人民殷樂無戶籍官法惟耕王地者乃輸地稅去來任便國不用刑有罪但罰其錢隨事輕重雖謀惡逆不過截右手而已舉國人民均不殺生不飲酒不食葱蒜自佛般泥洹後諸國王長者爲眾僧建精舍供給田宅園圃相傳無廢至今不絕眾僧住止房舍牀褥飲食衣服都無缺乏處處皆然客僧初到舊僧迎逆問臘數次第得房舍卧具種種如法佛般泥洹以來眾僧威儀法則相承弗絕自渡新頭河至南天竺迄於南海四五萬里皆平坦無大山川止有河水從此東南行十八由延有國名僧伽施昔佛上忉利天爲母說法三月此其下來處阿育王於下起精舍有佛跡甚多皆作塔有一白耳龍與眾作檀越令雨澤以時國內豐熟其感其惠爲作龍舍設福食供養眾僧每夏坐訖龍輒化形作一小蛇兩耳邊白眾咸識之法顯在龍精舍夏坐

訖東南行七由延到罽饒彝城城接恒水去城西六七里恒水北岸爲佛與弟子說法處起塔猶在度恒水南行三由延到一林名訶梨亦佛說法處起塔從此東南行十由延到沙祇大國城東南佛嘗以楊枝刺土中卽生長七尺或拔棄之續生如故從此南行八由延到拘薩羅國舍衛城波斯匿王所治也人民稀曠止二百餘家城南千二百餘步道西有精舍卽所謂祇洹精舍也佛上忉利天爲母說法九十日波斯匿王思見之刻牛頭栴檀作像置佛坐處爲四部洲眾像之始後精舍火延燒俱盡謂像已毀閱四五日開東小精舍忽見本像眾大歡喜重建精舍處之西北四里有榛林曰得眼佛爲五百瞽人說法眼得復明處其餘佛跡茲不盡述城西五十里有邑名都維是迦葉

佛本生及般泥洹處皆有塔從舍衛城東南行十二由延到一邑名那毗伽是拘樓秦佛生及泥洹處亦有僧伽藍與塔從此北行減一由延是拘那含牟尼佛本生與歿處從此東行減一由延到迦維羅衛國城中甚荒蕪只眾僧及民戶數十家而已有白淨王故宮作太子母形像凡太子初生及游嬉遁跡出家一切故址均起塔焉從此東行五由延有國名曰藍莫昔國王得佛舍利一升還歸起塔塔邊有池池有龍守護此塔阿育王嘗入龍宮觀其供具而還從此東行三由延是太子遺車匿白馬還國處復東行十二由延到拘彝那竭城城北雙樹間希連河邊世尊於此北首般泥洹自此東行十二由延到佛化深塹阻諸梨車欲逐佛般泥洹處自此東行五由延到毗舍離國城

北大林有佛住處及阿難半身塔又有千子放弓仗認母處及七百僧檢校律藏處從此東行四由延到五河合口昔阿難從摩竭國向毗舍離欲般泥洹適二國均率眾來迎遂於河中入火光三昧分身爲二各在一岸邊於是二國各得半身舍利還歸起塔渡河南下一由延到摩竭提國巴連弗邑邑是阿育王所治城中宮殿相傳爲役使鬼神所作今故現在阿育王弟得羅漢道住耆闍崛山王請於家供養特於城中作石山石室居之凡諸中國惟此國城邑爲大人民富盛競行仁義多作醫藥舍凡貧窮殘疾及病者皆詣之種種供給皆令得安瘥者自去昔阿育王壞七塔作八萬四千塔初作大塔在城南三里餘從此東南行九由延至一小孤山山頭有石室南向爲佛坐處諸

聖跡故在西南行一由延到那羅聚落舍利弗於此般泥洹卽起塔今亦現在

此一段法顯敘游歷中印度自摩頭羅至摩竭提諸國事摩頭羅西域記作秣菟羅黃林材恒河攷作秣得拉今爲英屬西北部馬特刺城蓋自克爾普爾東橫越刺日不得曠野至此八十由延約得千二百餘里正合捕那河西域記作闍牟那河黃氏恒河攷作延那河又曰遙奴河今稱朱木拿河中國者五印度之中卽中印度也般泥洹西域記作般涅槃佛菩薩逝世之謂僧伽施一作僧伽舍西域記作劫比他英人恭寧翰攷卽今西北部瑪普里城罽饒彌當是僧伽施屬邑在今佛普喀巴的境恒水本印度中部諸水總稱其源有

五曰安治士曰延那曰碗伽曰幹普曰孫河此記所謂恒河則專指安治士河亦曰乾吉思河沙祇國今西北部沙遮亨普爾城後漢書東離國居沙奇城當亦此地拘薩羅西域記作室羅伐悉底國舍衛其都城也恭攷在西北部巴來支城東六七十里黃氏恒河攷謂卽非薩巴城未知孰是都維距拘薩羅僅十餘里今無地名可指那毗伽當卽泥泊爾南拿雅科城迦維羅衛西域記作劫比羅伐窣堵國恒河攷謂卽哥祿普爾城圖作哥爾克波爾此二國爲佛本生及久住說法處遺跡最多因其國早亡晉唐以來已荒涼如此拘彝那竭國西域記作拘尸那揭羅恭攷在哥爾克波爾東百里希連河西域記作阿恃多伐底河卽今公都克河發源泥泊爾

國南流入哥格刺河又東南至五河合口毗舍離西域記作吠舍釐恭攷在孟加拉部摩蘇佛普爾城西稍南七十里與抽普刺城相近地五河合口卽恒河五源會合之處在抽普爾城西南摩竭提卽唐書摩揭陀一作摩伽陀巴連弗其都城也西域記作波吒釐子卽今孟加拉部巴德拿城阿育王據西域記當作阿輸迦唐言無憂也

從此西行一由延到王舍新城城是阿闍世王所造城西三百步有阿闍世王得佛舍利一分所起塔高大嚴麗出城南四里入谷至五山裏五山周圍狀若城郭卽蘇沙王舊都城東西可五六里南北七八里中多古跡而無人住入谷搏山東南十五里到耆闍崛山未至三里有石窟南向佛於此坐禪西北三十

步復有一石窟阿難於中坐禪天魔波旬化鷗鷺恐阿難佛以神足力隔石舒手摩阿難肩怖卽得止鳥跡手孔今悉存故曰鷗鷺窟山山峯秀巖爲五山最高處法顯於石窟停一宿還向新城出舊城北三百餘步有迦蘭陀竹園精舍搏山西行三百步有一石室佛常於此坐禪又西行五六里山陰有一石室爲五百阿羅漢結集經律處從此西行四由延到伽耶城城亦空荒復南行二十里到佛苦行六年處又西北數里佛入水浴及食糜處今悉在此不遠爲過去諸佛成道處有貝多樹林今高減十丈從此高行三日到一山名雞足大迦葉隱身其中法顯還向巴連弗邑順恒水西行十由延得精舍名曠野是佛所住處復順恒水西行十二由延到迦尸國波羅捺城城東北

十里許爲仙人鹿野苑精舍世尊卽成道於此自此西北行十三由延有國名拘昧彌有瞿師羅園精舍佛昔住處其東八由延爲佛度惡鬼處從此南行二百由延有國名達嚩有迦葉伽藍穿大石山作之凡五重最下層作象形有五百間石室次獅形四百間次馬形三百間次牛形二百間最上鵠形百間相傳國人常見道人飛入此寺然道路艱難法顯竟不得往從波羅捺東行還巴連弗法顯本求戒律而北天竺諸國皆師師口傳無本可寫是以遠至中天竺得摩訶僧祇眾律佛在世時大眾所行也復得薩婆多眾律抄本可七千偈得雜阿毗曇心可六千偈又經二千五百偈又方等般泥洹經五千偈又得摩訶僧祇阿毗曇故法顯住此三年學梵書梵語寫律時道整見

中國沙門威儀法則觸事可觀遂停不歸法顯本心欲令戒律流通漢地於是獨還順恒水東下十八由延其南有瞻波大國又東行近五十由延到多摩梨帝國卽是海口其國有二十四僧伽藍佛法亦興法顯住此二年寫經畫像於是泛海西南行十四晝夜到師子國其國在大洲上東西五十由延南北三十由延左右小洲百數皆所統屬多珍寶珠璣有出牟尼珠地方可十里若有採者十稅其三其地本無居民以各國人聞其土樂悉復來集遂成大國城北有一佛跡起大塔高四十丈塔邊有僧伽藍居五千僧全國都五六萬僧法顯住此二年更求得彌沙塞律長阿含雜阿含復得一部雜藏悉漢土所無得此梵本已卽載商人大船東行二日便值大風晝夜十三日到一島

邊補塞船漏於是復前凡九十日許乃到一國名耶婆提其國外道婆羅門興盛佛法不足言停此五月日復隨他商上船以四月十六日發東北行趣廣州一月餘日夜遇黑風暴雨客悉惶怖諸婆羅門謂載沙門不利議投法顯海島會有阻之者獲免時天氣連陰海師誤向經七十餘日糧食水漿欲盡商人議言常行可五十日便到廣州今已過日將無僻耶卽便西北行求岸又十二日到長廣郡界牢山南岸便得好水菜乃乘小船入浦覓人問之知爲青州長廣郡界遣人往見太守李嶷嶷聞有沙門持經像至將人迎歸郡治請法顯住一冬一夏夏坐訖遂便南下向京都就諸師出經律法顯發長安六年到中國停六年還三年達青州凡所游厯減三十國

是歲甲寅晉義熙十二年歲在壽星夏安居末迎法顯道人旣至留其冬齋因講集之際重問游厯其人恭順言必依實由是先所畧者勸令詳載顯復具叙始末自云顧尋所經不覺心動汗流所以乘危履險不惜此形者蓋自志有所存專其愚直故投命於不必全之地以達萬一之冀於是感歎斯人以爲古今罕有自大教東來未有忘身求法如顯之比

此一段法顯叙游王舍城諸地及自多摩梨帝航海還至青州事王舍新城西域記作曷羅闍姑泗在今孟加拉部巴哈爾城西南五十里萍沙王舊都卽上茅宮城西域記作矩奢羯羅補羅耆闍崛山卽鵝鷺崛山西域記作姑栗陀羅矩吒山按高僧傳載法顯宿耆闍崛山夜有三黑師子來蹲其前

顯誦經不輟並以手摩之曰若欲相害待我誦竟若見試者可以退矣師子良久乃去明晨還反逢一道人年可九十衣服粗素而神氣儻遠顯雖欽其韻高不悟爲神人後又逢一小僧顧問向者年者誰耶曰迦葉大弟子也顯方惋恨追至山所有橫石塞於室口遂不得入而去此二事頗神奇顧本記載神奇之跡不一何獨於己所親見反無一筆之及知此等事皆傳述附會之談不足信也釋典虛誕大率如此伽耶城地圖作加雅在巴德拿南一百七十里西域記言自巴連弗西南渡尼禪連河至此尼禪連河乃伽耶城西小河北流入恒水迦尸國波羅捺城迦尸見唐書波羅捺爲其都城西域記作婆羅呢斯地圖作班拿勒斯在巴德西約五百里云

順恒水西下攷恒水自西而東當云溯恒水西上方合拘眺彌西域記作橋賞彌其國在鉢邏那伽西南五百餘里道中有大林多惡獸野象非多人不能行攷鉢邏那伽卽今阿拉哈巴城恭氏謂在城西稍六七十里與記言五百里顯然不合詳核地望當在賓內城境達嚙國其地未詳惟西域記載南印度駄那羯磥迦國東西兩山均有大僧伽藍鑿川通徑疏崖峙閣昔傳每歲安居僧皆證羅漢果以神通力凌虛而去似與本記所叙同一事而傳說各異者瞻波卽唐書瞻博西域記言在摩揭陀東七百餘里恭攷卽孟加拉部科爾岡城地圖作息克里戈利爲恒水東流折而南向處多摩梨帝西域記作耽摩栗底或作多摩梨軒今孟加拉首邑加爾各

搭南達蒙德克波爾城也城南近印度洋故法顯由此航海南行師子國西域記作僧伽羅以昔有僧伽羅者能制伏師子故以人名名之又稱執師子國卽今錫蘭島也此島西人地志南北長七百七十里東西廣四百里記所言不確據西人攷島本土番部落周時有印度親王維柴率兵至此娶土酋之女開業成家漸致繁衍按印度親王卽摩揭陀無憂王一作阿育王弟摩醯因陀羅西域記謂其得六神通足步虛空來游此國宏宣正法風俗化醕亦釋子誇誕語非實錄也耶婆提由錫蘭島東百餘日行東北至廣州五十日行核其方位里程卽婆羅島無疑婆羅隋書作婆利與婆提音協上多一耶字音者殆梵音譯土語故耳長廣晉郡治不其縣今卽墨

縣地牢山卽勞山在縣南濱海東晉都楊州爲今江寧府城高僧傳言時有外國禪師居京師道場寺譯華嚴經法顯就之商榷譯出摩訶僧祇律及方等泥洹經雜阿毗曇心論凡百餘萬言後至荊州卒年八十六記後跋語不書名氏玩其語氣蓋出道場寺譯經僧手

浙江圖書館叢書第一集

宋雲西域求經
記地理攷證

中華民國四

年浙江圖書

館校刊

後魏宋雲西域求經記地理攷證

古杭丁謙益甫氏纂

此由楊衒之洛陽伽藍記中摘出衒之跋云惠生行記事
多不盡錄今以道藥傳宋雲家記並載按上三書藏經既
未收入亦無他傳本蓋亡佚久矣尙賴此記存其涯畧亟
加攷證以爲究心地學之助因記首有西域取經字卽以
名篇

城北聞義里有燉煌人宋雲宅雲與惠生向西域取經得一百
七十部皆大乘妙典初發京師西行四十日至赤嶺卽國之西
疆也嶺無草木因以爲名其山有鳥鼠同穴鳥雄鼠雌共爲陰
陽又西行二十三日渡流沙至吐谷渾國途中甚寒多風雪沙

礫滿目惟吐谷渾城稍煖其國文字與漢同從西行三千五百里至鄯善國城主吐谷渾王第二子也又西行一千六百四十里至左末城居民可百家地無雨決水種麥從左末西行當作西南一千二百五十里至末城城旁花果似洛陽惟土屋平頭爲異從此西南行二十二里當作五百二十里至捍麼城城南一大寺有僧三百餘佛像高丈六儀容超絕面東向立懸綵幢萬計半出魏國從此西行八百七十八里至于闐國國境東西三千餘里初王不信佛有異國僧勸造佛塔王言使我見佛當卽從命忽空際果見真容遂建精舍奉之神龜二年七月入朱駒波國人民山居五果甚豐食麥歟不屠殺風俗言語似于闐疆界可五日行遍八月初入漢盤陀界西行六日登葱嶺山復西三日至鉢

猛城三日至不可依山山冬夏積雪甚寒山中有池毒龍居之嘗殺商人漢盤陀王自向烏萇國學婆羅門咒四年善其術歸以咒龍龍變爲人向王悔過徙之葱嶺山去此二十餘里當作二百餘里卽今國王十三世祖也自此以山路峻側危坂千里懸崖萬仞絕天之阻實在於斯自發葱嶺步步漸高如此四日乃得至巔依約中夏實半天矣漢盤陀國正在山頂嶺以西水皆西流入西海城東有孟津河東北流向沙勒葱嶺高峻不生草木是時八月天氣已寒飛雪千里九月中旬入鉢和國國王所住因山爲城人民皆服氈衣地土苦寒窟穴而居風雪勁切人畜相依國之南界有大雪山朝融夕結望若玉峯十月初旬入嚙噠國土田庶衍山澤彌望居無城郭游軍而居隨逐水草夏就

涼冬就溫無文字少禮教不知厯法以十二月爲一歲受諸國貢獻南至牒羅北盡敕勒東被于闐西及波斯四十餘國皆來貢獻王居大氈帳方四十步著錦衣坐金牀妃亦錦衣垂地三尺使人擎之頭帶一角以五色飾其上四夷中最爲强大不信佛法十一月初入波知原作波
斯誤國境甚狹七日行過人民山居資業窮乏風俗凶慢其國有水後山崩絕流變爲二池毒龍居之每致災異夏多暴風冬則積雪行路甚艱雪有白光照耀人眼令無所見十一月中旬入賸彌國漸出葱嶺土田磽確民多貧困峻路危道人馬僅通有一直道從鉢盧勒國向烏場鐵鎖爲橋懸虛而度下不見底旁無挽提倏之間投軀萬仞是以行者聞風畏避十二月初入烏場國北接葱嶺南連天竺地方

數千里民物殷阜土田肥美穀果滋繁又饒異花冬夏相接採以供佛城外水東有如來曬衣處年久若新非直條理明現卽細縷亦彰佛坐處及曬衣之所並有塔記城北十八里有如來履石之跡或長或短量之不定今立寺有陁羅寺浮圖高大國內沙門咸來雲集城東南山行八日有如來投身餓虎處其餘靈跡甚多至正光元年四月中旬入乾陀羅國地與烏場等本名葉波羅爲噠噠所滅遂立敕懃爲王有國已經二世不信佛法好事鬼神與罽賓爭境連兵劇戰今已三年王常停境上不歸宋雲詣軍通國書訖王曰卿等遠涉得無勞苦雲曰我皇深昧大乘遠求經論道路雖險未敢告疲大王親總三軍遙臨邊境寒暑驟移不無有損王曰不能降服小國愧卿此言時跋提

國送師子兒二至雲等見之意氣雄猛中國所畫莫肖其儀於是西行五日至如來捨頭施人處復西三日至辛頭大河又西行三日至佛伏沙城原作佛沙
伏倒誤川原沃衍民戶殷多風俗醕善多佛寺城北有白象寺以前有白象樹得名此樹花葉似棗季冬始熟又西行一日乘船渡深水三百餘步復西南六十里至乾陀羅城東南七里有雀離浮圖國王迦尼色迦所造道藥傳云塔十三級上有鐵柱八十八尺金盤十三重去地七百尺塔內佛事悉金玉所成旭日始升金光晃朗微風漸發寶鐸和鳴西域浮圖此爲第一其南五十步有一石塔形正圓觸之能報吉凶吉則金鈴鳴應凶則否惠生旣在遠國恐不能還禮塔求驗以指觸之鈴卽鳴應後果吉旋又西北行七日渡一大水至

如來救鵠處道藥傳云至那迦羅訶國有佛頂骨方圓四寸黃白色下有孔受人手指又一寺有佛袈裟錫杖那竭城中有佛牙及髮瞿羅羅鹿有佛影窟近以手摩惟有石壁漸漸卻行始見其相容儀挺特世所罕有窟西南有佛浣衣處窟北山下有佛手作浮圖高十丈惠生在烏場國二年正光二年二月始還天闕

按魏書曇達傳熙平中明帝遣王伏子統宋雲沙門法力等往西域訪求佛經時有沙門慧生者與偕行正光中還所經諸國不能具知本末僅舉其畧云又日本人著宗教一斑云梁武帝大通元年魏孝明帝遣宋雲等往印度尋經雲等至北印度三年歸朝得佛經百七十部攷本記之首未書年月

但其下明載神龜二年七月從于闐入朱駒波上溯行程約二百日加以休息停止其初發京師當在神龜元年冬卽梁武帝天監十七年知一言熙平中一言大通元年殆俱誤王伏子統法力傳均不載魏京師卽洛陽赤嶺見唐地志注在西寧丹噶爾西南百三十里今曰日雅拉山又稱日月山鳥鼠同穴漢地志水經注皆云在隴西首陽縣然鳥鼠同穴西城甚多本記卽云赤嶺有此而宋書吐谷渾傳云甘谷嶺北亦有此又姚瑩康輶紀行言自裏塘巴塘至察木多一帶地方鳥鼠皆同穴而處觀此知昔人不信其說因強解禹貢謂鳥鼠山名同穴別一山名眞少見多怪矣吐谷渾魏書有傳言王夸呂建都伏俟城在青海四十五里今布喀河南和碩

特北前旗境鄯善古國在羅布泊東南其國初爲魏太武所滅後吐谷渾強盛遂爲所據故其時國主爲吐谷渾王子左末卽且末在羅布泊西濱魏書載鄯善王比龍失國率國人之半奔居此地時城中居民僅有百家衰微已極至唐初元奘經此遂空荒無人煙今其故址且淪入湖中已末城卽梁書末國在且末西南千餘里乃漢精絕國地元奘西域記稱爲覩貨邏故國蓋魏周之世有吐火羅人徙居其地號爲末國但未久而亡唐初已荒曠今漢時南道復通自羅布泊直至和闐沿路皆有居民是地爲中途衝要各處聚集者不下四五千人因立爲車爾成鎮嗣後益增繁衍意中事也捍麼城卽漢扞彌國今曰克里雅城近設于闐縣於此惟漢書言

精絕西至扞彌四百六十里元奘西域記亦言四百餘里原作二十二里誤于闐漢以來古國今和闐直隸州地朱駒波魏書作朱居波又作悉居半西域記作斫句迦漢西夜國地在今葉爾羌西南綽洛克朗吉爾台迤西山麓間自此溯澤普勒善河西上葱嶺皆當時漢盤陀國境鉢猛城當在今博勒根回莊處不可依山今爲池克里克山口山口嶺也漢盤陀唐書作渴盤陀西域記作竭盤陀今爲塔什庫爾干城近設蒲犁縣於此毒龍池卽薩雷庫里泊今此泊在葱嶺絕頂大帕米爾南故又名大帕米爾湖詳見戈登游記惟此泊古時本在漢盤陀境後始徙至葱嶺巔故塔什庫爾干一帶至今稱爲薩雷庫勒其傳說如此孟津河卽澤普勒善河上游沙勒

漢時爲莎車疏勒二國因疏勒王兼併莎車移都其地遂合二國爲名卽西域記怯沙國也今爲葉爾羌城近改設莎車府鉢和卽今乾竺特部一作坎巨提又曰喀楚特在塔什敦巴什山南轄棍雜那夏爾二堡瀛環志畧言乾竺特地寒鑿山爲穴以居與本記情形脗合可爲確證南界大雪山卽喜馬拉雅山脈最北處嚙噠見魏書卽大月氏改名都城在阿母河南曰拔底延佛教頗盛時稱小王舍城今波爾克城也然游牧之俗有城郭而不居故其王終歲巡行吐火羅境卽葱嶺以西山間地宋雲見其王在鉢和國西南今博羅爾部地魏書言西域康居于闐沙勒安息三十餘國皆屬役之與記相合蓋嚙噠此時正強盛也波知見魏書乃因都庫士山

南面小國原作波斯誤部境在博羅爾西今薩爾拉斯普爾城地魏書言國有三池傳言大者有龍王次有龍婦小有龍子西域記所謂阿波邏羅龍泉者是賒彌魏書作商彌在波知南今喀里庫特城地自此皆順蘇瓦特西河下行故曰漸出葱嶺鉢盧勒卽博羅爾有一道向烏場乃晉釋法顯所經行者然須由鉢和西南分路非賒彌境內別有此道也烏場國佛國記作烏菴西域記作烏仗那惟唐書與東印度之烏茶混合爲一殊誤國都曰曹揭離恭寧翰攷爲今加非利斯坦東境曹哥拉城按地圖作班底西域記謂東北逆信度河行千餘里曰達麗羅川其舊都也法顯所游卽其地至是已徙都曹揭離觀城外水東有如來曬衣處可知其概蓋新

都傍蘇瓦特東河故水東有此古跡若舊都在印度河左東卽懸度過河雖有一綫之路須輔以傍梯方可通行安得有勝地耶乾陀羅卽佛國記健陀衛西域記作健馱羅魏書作乾陀本部在阿富汗東境地圖之干達馬克城是也由烏場往當西南渡印度河今因王伐罽賓久駐軍中而其境土已拓至河東故宋雲等直南行卽入其國界跋提卽梁書白題瀛環志作巴勒提地圖作巴勒特斯坦乃葱嶺西山間小國以畏乾陀王兵盛故送獅子兒以通好如來施頭處據佛國記在竺刹尸羅國西域記作咫又始羅恭攷卽今拉烏爾奔特城宋雲由王軍西行三日至此可知乾陀王駐軍處當在今折蘭穆城地罽賓見漢書及諸史居本齋地本齋者譯言

五河間也瀛環志作本若一作奔札比地圖作旁遮普國於東漢初爲大月氏貴霜王所滅歷百餘年印度古普塔王收復之至是爲乾陀王所伐未幾竟滅事載印度史佛伏沙卽佛國記佛樓沙魏書作富樓沙西域記作跋虜沙在印度河西地圖作白沙威爾此本乾陀羅屬城乾陀王爲王子時曾守此城魏書別列爲小月氏國誤從此西北行至乾陀羅國都約三百餘里佛國記言行四日正合此西行一日當是三日之誤那迦羅訶卽佛國記那竭西域記作那揭羅曷在乾陀羅北稍東山內地圖作納直里城瞿羅羅鹿攷西域記國西南二十餘里至小石嶺石壁有洞穴瞿波羅龍所居佛留影於其中此有誤

